



美鬼六月王史文選卷之十九

十二

漢魏六朝正史文選卷之十九

梁書

詔令

武帝

有罪入贖詔

謫木肺石傍置函詔

命使巡行詔

取士詔

赦詔

通用足陌錢詔

手勅何胤

簡文帝

改元詔

元帝

答王僧辨令

斷表勸令

勸耕令

重答王僧辨令

與武陵王紀書

又與武陵王紀書

昭明太子

與湘東王繹令

與劉遵從兄孝儀令

任昉

奏彈蕭穎達

賀琛

陳時事封奏

虞疇

奏彈伏暉

蕭介

諫納侯景表

王僧辨

勸卽位表

又勸進表

徐陵

勸進表

高祖

戒何敬客書

任昉

到驃騎記室牋

爲齊明帝表草

王僧孺

辭南康王牋

丘遲

與陳伯之書

張充

漢魏六朝正史文選
與王儉書

劉峻

答劉沼書序

自序

廣絕交論

辨命論

劉勰

文心雕龍序

范縝

神滅論

劉勰

革終論

阮孝緒

孔莊論

儒林傳序

止足傳序

帝紀總論

漢魏六朝正史文選卷之十九

目錄

漢魏六朝正史文選卷之二十

陳書

詔令

奏議

雜著

史論

武帝

驍騎儀從詔

賑恤詔

文帝

舉賢詔

宣帝

求言舉士詔

循儉約

後主

勸耕詔

內外衆官可各薦人詔

乞言詔

改年詔

廟祀孔子詔

赦詔

徐陵

九錫詔策

禪位璽書

宗元饒

効陳哀奏

沈文阿

謁廟儀注議

沈不害

請立國學書

徐陵

致徐僕射楊遵彥書

江總

修心賦序

何之元

梁典序

武帝紀論

漢魏六朝正史文選卷之二十

目終

顧在觀觀生

吳興吳景旭天麗

雲間

許清胤介夫輯評

顧之萃宗之叅訂

勾章陳裕廣生

陳祐天生

武帝

諱衍字叔達南蘭陵人皇考順之齊高帝族弟高祖生有奇異有文在右手曰武明帝崩東昏

即位高祖舉義奉南康王即帝位於江陵高祖封十郡為梁公備九錫進爵為王齊帝禪位

有罪入贖詔

元監元年夏四月

詔曰金作贖刑有聞自昔入縲以免施於中代民悅法行莫尚乎此永言叔世偷薄成風嬰罪入罪厥塗

匪一斷弊之書曰纏於聽覽鉗鈇之刑歲積於牢狴
死者不可復生生者無因自返由此而望滋實庸可
致乎朕夕惕思治念崇政術斟酌前王擇其令與有
可以憲章邦國罔不由之釋愧心於四海昭情素於
萬物俗僞日久禁網彌繁漢文四百邈焉已遠雖省
事清心無忘日用而委銜廢策事未獲從可依周漢
舊典有罪入贖外詳爲條格以時奏聞

開統之日首于鬻獄有以見綱紀之不立矣

武帝

謗木肺石傍置函詔

天監元年
夏四月

詔曰商俗甫移遺風尚熾下不上達由來遠矣升中
馭索增其懍然可於公車府謗木肺石傍各置一函
若肉食莫函山阿欲有橫議投謗木函若從我江漢
功在可策犀兕徒繁龍蛇方縣次身才高妙擯壓莫
通懷傳呂之術抱屈賈之嘆其理有皦然受困包匭
夫大政侵小豪門陵賤四民已窮九重莫達若欲自
申並可投肺石函



武帝

命使巡行詔

天監三年六月

詔曰昔哲王之守世也每歲十征躬事巡省民俗政
刑罔不必逮末代風凋久曠茲典雖欲肆遠忘勞寃
臨幽仄而居今行古事未易從所以日晏踟躕情同
再撫總總九州遠近民庶或川路幽遐或貧羸老疾
懷寃抱理莫由自申所以東海匹婦致災邦國西土
孤魂登樓請訴念此于懷中夜太息可分將命巡行
州部其有深寃鉅害抑鬱無歸聽詣使者依源自列

廢以矜隱之念，昭被四方，過聽遠聞，事均親覽。

武帝

取士詔

天監五年
春正月

詔曰。在昔周漢。取士方國。頃代凋訛。幽仄罕被。人孤地絕。用隔聽覽。士操淪胥。因茲靡勸。豈其岳瀆縱靈。偏有厚薄。寔由知與不知。用與不用耳。朕以菲德。若此兆民。而兼明廣照。屈於堂戶。飛耳長目。不及四方。永言愧懷。無忘旦夕。凡諸郡國舊族。邦內無在朝位者。選官搜括。使郡有一人。

舊族耳。何名幽仄。

李元振字仲良

京兆長安人

少時與兄元振俱為書生

元振為書生時

元振為書生時

元振為書生時

元振為書生時

元振為書生時

武帝

赦詔

大同七年
冬十一月

詔曰民之多幸國之不幸恩澤屢加彌長姦盜朕亦
知此之爲病矣如不優赦非仁人之心凡厥詈耗逋
負起今七年十一月九日昧爽以前在民間無問多
少言上尚書督所未入者皆赦除之

明見其敝猶不能已大義不勝小慈爲用然帝在
位旣久詔書屢下舉士勸學敬祀卹民惟此數端
可謂仁心爲質所以致亂將無過猶不及之弊與

—

武帝

通用足陌錢詔

中大同元年秋七月

詔曰朝三而暮四衆狙皆喜名實未虧而喜怒爲用頃聞外間多用九陌錢陌減則物貴陌足則物賤非物有貴賤是心有顛倒至於遠方日更滋甚豈直國有異政乃至家有殊俗徒亂王制無益民財自今可通用足陌錢令書行後百日爲期若猶有犯男子謫運女子質作

以詔說法愚民豈知

以爲物類之異

之至乎

此乃物類之異也

此乃物類之異也

此乃物類之異也

此乃物類之異也

此乃物類之異也

此乃物類之異也

帝

武帝

手敕何胤

胤居若邪山雲門寺高祖踐位詔特
進右光祿大夫胤曰吾年五十七月
食四斗米不盡
何容得有宦情

敕曰吾猥當期運膺此樂推而顧已蒙蔽昧于治道
雖復劬勞日昃思致隆平而先王遺範尚蘊方策自
舉之用存乎其人兼以世道澆暮爭詐繁起改俗遷
風良有未易自非以儒雅弘朝高尚軌物則洎流所
至莫知其限治人之與治身獨善之與兼濟得失去
取爲用孰多吾雖不學頗好博古尚想高塵每懷擊

節今世務紛亂憂責是當。不得不屈道巖阿。共成世
美。必望深達。往懷不吝。濡足今遣領軍司馬王果宣
旨諭意。遙面在近。

簡文帝

諱綱字世續高祖第三子昭明太子母弟也
大通三年昭明太子薨立為皇太子太清三

年五月高

祖崩即位

改年詔

大寶元年春正月

詔曰蓋天下者至公之神器在昔三五不獲已而臨蒞之故帝王之功聖人之餘事軒冕之華儻來之一物太祖文皇帝含光大之量啓西伯之基高祖武皇帝道洽二儀智周萬物屬齊季薦瘥彝倫剝喪同氣離入苑之禍元首懷無厭之欲乃當樂推之運因億兆之心承彼犄角雪茲讎恥事非為已義實從民故

功成弗居，卑宮菲食，大慈之業，曾薰汾陽之詔，屢下于茲四紀，無得而稱。朕以寡昧，哀矜孔棘，生靈已盡，志不圖全，僂俛視陰，企承鴻緒，懸旌履薄，未足云喻。痛甚愈遲，諒闇彌切，方當玄默在躬，栖心事外，卽王道未直，天步猶艱，式憑宰輔，以弘庶政，履端建號，仰惟舊章，可大赦天下，改太清四年爲大寶元年。

簡文續緒，賊勢滔天，俄延一綫，絕僅湏臾，觀其素尚，清令臨難，從容惜乎非亡國滅身之君也。

元帝

諱繹字世誠高祖第七子也封湘東王太清元年徙爲雍州刺史侯景反太宗崩承聖九年冬

十一月卽位於江陵

答王僧辯令

大寶二年十月太宗崩世祖大臨三日百官縞素

孤以不德天降之災枕戈飲膽扣心泣血風樹之酷萬始不追霜露之哀百憂總萃甫聞伯升之禍彌切仲謀之悲若封豕旣殲長蛇卽戮方欲追延陵之逸軌繼子臧之高讓豈資秋亭之壇安事繁陽之石侯景項籍也蕭棟殷辛也赤泉未賞劉邦尚曰漢王白旗弗懸周發猶稱太子飛龍之位孰謂可躋附鳳之

徒既聞來議羣公卿士其諭孤之志無忽

工絕典絕此處下不得一春容緩慢語尤難爲其
當也

元帝

斷表勸令

是時巨寇尚存未欲卽位而四方表勸前後相屬乃下令

大壯乘乾明夷垂翼璿度亟移玉律屢徙四岳頻遣
勸進九棘比者表聞譙沛未復瑩陵永遠于居于處
寤寐疚懷何心何顏撫茲歸運自今表奏所由竝斷
若有啓疏可寫此令施行

復讎大事也謙讓小節也不務其小持其小德之
不弘也

元帝

重荅王僧辯令

大寶三年三月 王僧辯等平侯景傳其首於江陵以賊平又奉表重奏相國荅

省表復具一二羣公卿士億兆夷人咸以皇天聰命歸運所屬用集寶位于予一人文叔金吾之官事均往願孟德征西之位且符前說今淮海長鯨雖云授首襄陽短狐未全革面太平玉燭爾乃議之

其後因緣公事結事於太平王陵廟中

其後因緣公事結事於太平王陵廟中

其後因緣公事結事於太平王陵廟中

其後因緣公事結事於太平王陵廟中

其後因緣公事結事於太平王陵廟中

其後因緣公事結事於太平王陵廟中

其後因緣公事結事於太平王陵廟中

元帝

勸耕令

大寶三年正月

令曰軍國多虞戎旃未靜青領雖熾黔首宜安時惟
星鳥表年祥於東秩春紀宿龍歌歲取於南峻况三
農務業尚看天桃敷水四人。有。今。猶。及。落。杏。飛。花。化
俗移風常在所急勸耕且戰彌須自許。豈直燕垂寒
谷積黍自溫寧可墮此玄苗坐食紅粒不植鷺領空
候蟬鳴可悉深耕溉種安堵復業無棄民力竝分地
利班勒州郡咸使遵承

繁若朱霞其文麗矣史稱下筆成章出言爲論信
非虛乎然多文少質濡澁後時故父兄之難乏節
宵征返宅之圖不謀信邁致陷虎口良有以也

元帝

與武陵王紀書

太清五年夏紀高祖第八子為益州刺史率軍東下至巴郡以討侯景為名將圖荆陝世祖與紀書紀不從命報書如家人禮

書曰皇帝敬問假黃鉞太尉武陵王自九黎侵軼三苗冠履天長喪亂孺醜馮陵虔劉象魏黍離王室朕枕戈東望泣血西浮殞愛子於二方無諸侯之八百身被屬甲手貫流矢俄而風樹之酷萬恨始纏霜露之悲百憂繼集扣心飲膽志不圖全直以宗社綏旒

鯨鯢未翦、嘗瞻待旦、冀行天罰、獨運四聰、坐揮八柄、
雖復結壇待將、褰帷納士、拒赤壁之兵、無謀于魯肅、
燒烏巢之米、不訪于荀攸、才智將殫、金貝殆竭、傍無
寸助、險阻備嘗、遂得斬長狄於駒門、挫蚩尤於楓木、
怨耻既雪、天下無塵、經營四方、專資一力、方與岳牧
同資、清靜隆暑、炎赫弟比、何如文武具僚、當有勞弊、
今遣散騎常侍光州刺史鄭安忠、稍宣往懷、

元帝

又與武陵王紀書

太清五年夏大智紀之別字也

書曰甚苦大智季月煩暑流金礫石聚蚊成雷封狐
千里以茲玉體辛苦行陣乃眷西顧我勞如何自獯
醜憑陵羯胡叛換吾年爲一日之長屬有乎亂之功
膺此樂推事歸當璧儻遣使乎良所遲也如曰不然
於此投筆友于兄弟分形共氣兄弟瘦無復相代
之期讓來推梨長罷懽愉之日上林靜拱聞四鳥之
哀鳴宣室披圖嗟萬始之長逝心乎愛矣書不盡言

湘東文華灼灼筆筆可愛是何梁武才子之多也

昭明太子

名統字德施高祖長子天監元年立爲皇太子生而聰睿三歲受孝經論語五歲徧

讀五經悉能諷誦

與湘東王繹令

王規字威明侍東宮爲太子所禮大同二年卒太子臨哭與湘

東王

令

令曰威明昨宵奄復殂化甚可痛傷其風韻道正神
峯標映千里絕迹百尺無枝文辯縱橫才學優贍跌
宕之情彌遠濠梁之氣特多斯實俊民也一爾過隙
永歸長夜金刀掩芒長淮絕澗去歲冬中已傷劉子
今茲寒孟復悼王生俱往之傷信非虛說

昭明之文每讀一過酸楚交集歛魂蹙狀如見其
人自非長泰之器也

明太子

與劉遵從兄孝儀令

劉遵少有學行起家太子舍人寵遇莫及大同元年

卒官太子惜之與遵從兄陽羨令孝儀令

令曰賢從中庶奄至殞逝痛可言乎其孝友淳深立身貞固內含玉潤外表瀾清美譽嘉聲流於士友言行相符始終如一文史該富琬琰爲心辭章博瞻玄黃成采旣以鳴謙表性又以難進自居未嘗造請公卿締交榮利是以新沓莫之舉社武弗之知自阮放之官野王之職棲遲門下已踰五載同僚已踰後進

多升而怡然清靜不以少多爲念確爾之志亦何易
得西河觀寶東江獨步書籍所載必不是過吾昔在
漢南連翩書記及忝朱方從容坐首良辰美景清風
月夜鷁舟乍動朱鷺徐鳴未嘗一日而不追隨一時
而不會遇酒闌耳熱言志賦詩校覆忠賢權揚文史
益者三友此實其人及弘道下邑未申善政而能使
民結去思野多馴雉此亦威鳳一羽足以驗其五德
此在春坊載獲申晤博望無通賓之務司成多節文
之科所賴故人時相婉偶而此子溘然實可嗟痛惟

任昉

奏彈蕭穎達

臣聞貧觀所取。窮視不爲。在於布衣窮居。介然之行。尚可以激貪厲俗。惇此薄夫。況乎伐冰之家。爭雞豚之利。衣繡之士。受賈人之服。風聞征虜將軍蕭穎達啓乞魚貫軍稅。輒攝穎達宅督彭難當到臺辨問。列稱事生魚與稅先本是鄧僧琰啓乞。限訖今年五月十四日。至人頴達于時謂非新立。仍啓乞接代僧琰。卽蒙降詔登稅與史法論一年收直五十萬。如其列

狀則與風聞符同。穎達卽主。臣謹案征虜將軍太子
左衛率作唐縣開國侯臣穎達備位大臣預聞執憲
私謁亟陳。至公寂寞屠中之志。異乎鮑肆之求。魚殮
之資。不俟潛有之數。遂復申茲文二。追彼十一。風體
若茲。準繩斯在。陛下弘惜勲良。每爲曲法。臣當官執
憲。敢不直繩。臣等參議。請以見事。免穎達所居官。以
侯還策。

彥昇彈文落筆自快。然刻肌剔髓。盡態極形。言者
極意當者。何堪厥後不昌。將或以此。

賀琛

字國寶會稽人家貧常販粟以自給閑則習業高祖聞其學術召見與語悅之遷散騎常侍

陳時事封奏

是時高祖任職者皆緣飾姦諂深害時政琛遂啓陳事條

奏曰臣荷拔擢之恩曾不能効一職居獻納之任又不能薦一言竊聞慈父不愛無益之子明君不畜無益之臣臣所以當食廢餐中宵而歎息也輒言時事列之於後非謂謀猷寧云啓沃獨緘胸臆不語婁子辭無粉飾削橐則焚脫得聽覽試加省鑒如不允合亮其慙愚其一事曰今北邊稽服戈甲解息政是生聚教訓之時而天下戶口減落誠當今之急務雖是

處彫流而關外彌甚。郡不堪州之控總。縣不堪郡之
哀削。更相呼擾。莫得治其政術。惟以應赴徵歛爲事。
百姓不能堪命。各事流移。或依于大姓。或聚於屯封。
蓋不獲已而竄亡。非樂之也。國家於關外賦稅蓋微。
乃至年常租課。動致逋積。而民失安居。寧非牧守之
過。東境戶口空虛。皆由使命繁數。夫犬不夜吠。故民
得安居。今大邦大縣。舟舸銜命者。非唯十數。復窮幽
之鄉。極遠之邑。亦皆必至。每有一使。屬所搔擾。况復
煩擾積理。深爲民害。驚困邑宰。則拱手聽其漁獵。桀

黥長吏。又因之而爲貪殘。縱有廉平。郡猶掣肘。故邑
宰懷印。類無考績。細民棄業。流冗者多。雖年隆復業。
之詔。屢下。蠲賦之恩。而終不得反其居也。其二事曰。
聖主恤隱之心。納隍之念。聞之遐邇。至於翺飛蠕動。
猶且度脫。況在兆庶。而州郡無恤民之志。故天下顚
顛。惟注仰于一人。誠所謂愛之如父母。仰之如日月。
敬之如鬼神。畏之如雷霆。苟須應痛。迄藥。豈可不治
之哉。今天下宰守。所以皆尚貪殘。罕有廉白者。良由
風俗侈靡。使之然也。淫奢之弊。其事多端。粗舉二條。

言其尤者。夫食方丈于前。所甘一味。今之燕喜相競。誇豪積果如山。岳列肴同。綺繡露臺之產。不周一燕之資。而賓主之間。裁取滿腹。未及下堂。已同臭腐。又歌姬舞女。本有品制。二八之錫。良待和戎。今畜妓之夫。無有等秩。雖復庶賤微人。皆盛姬姜。務在貪污。爭飾羅綺。故爲吏牧民者。競爲剝削。雖致貲巨億。罷歸之日。不支數年。便已消散。蓋由宴醕所費。旣破數家之產。歌謠之具。必俟千金之資。所費事等丘山。爲歡止在俄頃。乃更追恨向所取之少。今所費之多。如復

傳翼增其搏噬。一何悖哉。其餘淫侈者之凡百。習以成俗。日見滋甚。欲使人守廉隅。吏尚清白。安可得邪。今誠宜嚴爲禁制。道之以節儉。貶黜雕飾。糾奏浮華。使衆皆知變其耳目。改其好惡。夫失節之嗟。亦民所自患。正耻不及群。故勉強而爲之。苟力所不至。還受其弊矣。今若釐其風而正其失。易於反掌。夫論至治者。必以淳素爲先。正彫流之弊。莫有過儉朴者也。其三事曰。聖躬荷負蒼生。以爲任。弘濟四海。以爲心。不憚胼胝之勞。不辭癯瘦之苦。豈止日昃忘饑。夜分廢

寢。至於百司莫不奏事。上息責下之嫌。下無逼上之咎。斯實道邁百王。事超千載。但斗筭之人。藻稅之子。旣得伏奏帷宸。便欲詭競求進。不說國之大體。不知當一官處一職。貴使理其紊亂。匡其不及。心在明恕。事乃平章。但務吹毛求疵。擘肌分理。運挈銚之智。徼分外之求。以深刻爲能。以繩逐爲務。迹雖似于奉公。事更成其威福。犯罪者多。巧避滋甚。曠官廢職。長弊增奸。實由於此。今誠願責其公平之效。黜其讒愚之心。則下安上謐。無徼倖之患矣。四事曰。自征伐北境。

帑藏空虛。今天下無事而猶日不暇給者。良有以也。夫國弊則省其事而息其費。事省則養民。費息則財聚。止五年之中。尚於無事。必能使國豐民阜。若積以歲月。斯乃范蠡滅吳之行。管仲霸齊之由。今應內省職掌。各檢其所部。凡京師治署邸肆應所爲。或十條。宜省其五。或三條。宜除其一。及國容戎備。在昔應多。在今宜少。雖於後應多。卽事未須。皆悉減省。應四方屯傳邸治。或舊有。或無益。或妨民。有所宜除。除之有所宜減。減之。凡厥興造。凡厥費財。有非急者。有役民。

者。又凡厥討召凡厥徵求。雖關國計權其事宜。皆息費休民。不息費則無以聚財。不休民則無以聚力。故蓄其財者。所以大用之也。息其民者。所以大役之也。若言小事不足害財。則終年不息矣。以小役不足妨民。則終年不止矣。擾其民而欲求生聚殷阜。不可得矣。耗其財而務賦歛繁興。則奸詐盜竊彌生。是弊不息。而其民不可使也。則難可以語富強而圖遠大矣。自普通以來。二十餘年。刑役荐起。民力彫流。今魏氏和親。疆場無警。若不及於此時。大息四民。使之生聚。

減省國費令府庫蓄積一旦異境有虞關河可掃則
國弊民疲安能振其遠畧事至方圖知不及矣

梁武之世讜言不聞此奏何僅祥麟威鳳輒發大
怒痛辭深詰真可怪也蓋梁武爲君重在詩賦輕
在經術樂在諂說惡在讜言濫於樹恩怯於用義
儉以奉身奢以事佛春秋之所書梁亡者也

亦豈能樂哉
臣等聞之
竊謂今日之世
其樂也

然亦猶彩
其可也
蓋樂者
為重耳
特為

采也
其言不問也
奏何如
其樂也
大

因樂以
其樂也
其樂也
其樂也
其樂也

近皆因
其樂也
其樂也
其樂也
其樂也

虞曠

奏彈伏暉

時始興內史何遠與暉爲吏俱稱清白遠累見遷擢暉遷階而已意不滿假到東陽迎妹喪因留會稽築宅高祖詔以爲豫章內史乃出拜治書侍御史虞曠奏之

奏曰臣聞失忠與信一心之道以虧貌是情非兩觀之誅宜及未有陵犯名教要冒君親而可緯俗經邦者也風聞豫章內史伏暉去歲啓假以迎妹喪爲解因停會稽不去入東之始貨宅賣車以此而推則是本無還意暉歷典二邦少免貪濁此是爲政之本豈

得稱功。常謂人才品望居何遠之右。而遠以清公見
擢名位。轉隆。暉深誹怨。形於辭色。與居歎咤。寤寐失
圖。天高聽卑。無私不照。去年十二月二十一日詔曰。
國子博士領長水校尉伏暉。爲政廉平。宜加將養。勿
使志望致虧。士風可豫。章內史豈有人臣奉如此之
詔。而不亡。竟破膽歸罪。有司擢髮抽腸。少自論謝。而
循奉傲然。了無異色。暉識見所到。足達此旨。而冒寵
不辭。爰斯苟得。故以士流解體。行路沸騰。辨跡求心。
無一可恕。竊以暉踉蹌落魄。三十餘年。皇運勃興。咸

與維始除舊布新濯之江漢一紀之間三世隆顯曾
不能少懷感激仰荅萬分反覆拙謀成茲巧罪不忠
不敬於斯已及請以暱大不敬論以事詳法應棄市
刑輒收所近獄洗結以法從事如法所稱暱卽主臣
謹案豫章內史臣伏暱含疵表行藉悖成心語嘿一
違資敬兼盡幸屬昌時擢以不次溪壑可盈志欲無
滿要君東走豈曰止足之歸負志解巾異乎激處之
致甘此脂膏孰非荼苦佩茲龜組豈殊縹緲宜明風
憲肅正簡書臣等參議請以見事免暱所居官凡諸

在位一皆削除

清白是爲吏之本豈得稱功無者尚可不免有者
亦何足恃也

蕭介

字茂鏡蘭陵人博涉經史兼善屬文天監六年除太子舍人大同二年辭疾致仕

諫納侯景表

人清中侯景於渦陽敗走入壽陽高祖敕防主韋默納之介聞表諫

諫曰臣抱患私門竊聞侯景以渦陽敗績隻馬歸命陛下不悔前禍復敕容納臣聞凶人之性不移天下之惡一也昔呂布殺丁原以事董卓終誅卓而爲賊劉牢反王恭以歸晉還背晉以構妖何者狼子野心終無馴狎之性養虎之喻必見饑噬之禍侯景獸心之種鳴鏑之類以凶狡之才荷高歡翼長之遇位忝台司任居方伯然而高歡墳土未乾卽還反噬逆力

不逮乃復逃死關西宇文不容故復投身於我陛下
前者所以不逆細流正欲以屬國降胡以討匈奴冀
獲一戰之効耳今旣亡師失地直是境上之匹夫陛
下愛匹夫而棄與國之好臣竊不取也若國家猶待
其更鳴之晨歲暮之効臣竊惟侯景必非歲暮之臣
棄鄉國如脫屣背君親如遺芥豈知遠慕聖德爲江
淮之純臣事跡顯然無可致惑一隅尚其如此觸類
何可具陳臣朽老疾侵不應輒干朝政但楚囊將死
有城郢之忠衛魚臨亡亦有屍諫之節臣忝爲宗室

善人爲此虛說天之報施豈若此乎想卿痛悼之
誠亦當何已往矣奈何投筆惻愴吾昨欲爲誌銘并
爲撰集吾之劣薄其生也不能揄揚吹歔使得騁其
才用今者爲銘爲集何益旣往故爲痛惜之情不能
已已耳

王僧辯

字君才治衛將軍神念之子以天監中隨父來奔起家爲湘東王左常侍侯景反王命僧

辯假節總督舟

師赴援京都

勸卽位表

大寶二年十月太宗崩江州刺史尚書令王僧辯奉表

衆軍薄伐塗次九水卽日獲臨城縣使人報稱侯景弑逆皇帝賊害太子宗室在寇庭者並罹禍酷六軍慟哭三辰改曜哀我皇極四海崩心我大梁纂堯構緒基商啓祚太祖文皇帝狗齊作聖肇有六州高祖武皇帝聰明神武奄龕天下依日月而和四時履至尊而制六合麗正居貞大橫固祉四葉相係三聖同

基蠢爾凶渠。遂憑天邑。閭闔受白。登之辰象。魏致堯
城之疑。雲泉承華。一朝俱酷。金楨玉幹。莫不同寃。悠
悠彼蒼。何其罔極。臣聞喪君有君。春秋之茂典。以德
以長。先王之通訓。少康則牧衆撫職。祀所以配天天。
平王則居正東遷。宗周所以卜世。漢光以能捕不道。
故景歷重昌。中宗以不違羣議。故江東可立。儔今考
古。更無二謀。伏惟陛下。至孝通幽。英武靈斷。當七九
之厄。而應千載之期。啓殷憂之明。而居百王之會。取
以定新。險阻艱難。建社治兵。載循古道。家國之事。一

至於斯。天祚大梁。必將有主。軒轅得姓。存者二人。高祖五王。代實居長。乘屈完而陳諸侯。拜子武而服大輅。功齊九有。道濟生民。非奉聖明。誰嗣下武。臣聞日月貞明。太陽不可以闕照。天地貞觀。乾道不可以久。惕黃屋左纛。本爲億兆而尊。鸞輅龍章。蓋以郊禋而貴。寶器存乎至重。介石慎於易差。黔首豈可少選。無君宗祏。豈可一日無主。伏願陛下。掃地升中。柴天改物。事迫凶危。運鍾擾攘。蓋不勞宗正奉詔。博士擇時。南面即可居尊。西面無所讓德。四方旣知。有奉八百。

始可同期。殘寇潛居。器藏社處。乾象旣傾。坤儀已覆。
斬莽輓車。燒卓照市。廓清函夏。正爲瑩陵。開雪宮闈。
庶存鍾鼎。彼黍離離。伊何可言。陛下繼明。闡祚卽宮。
舊楚。左廟右社之制。可以權宜。五禮云樂之容。歲時
取備。金芝九莖。瓊茅三春。要衛率職。尉候相望。坐廟
堂以朝四夷。登靈臺而望雲物。禪梁甫而封泰山。臨
東瀕而禮日觀。然後與三事大夫更謀都鄙。左瀍右
澗。夾雒可以爲居。抗屬跡龍惟王。可以在鎬。何必勤
勤建業也哉。臣等不勝抃款之至。謹拜表以聞。

王僧辯

又勸進表

司空南平王恪率宗室五千人領軍
胡僧祐率羣僚二百人江州別駕張
佚率吏民三百餘人奉牋
勸進世祖固讓僧辯又表

紫宸曠位，赤縣無主。百靈聳動，萬國回皇。雖醉醒相
扶，同歸景亳。式歌且誦，總赴唐郊。猶懼陛下俛首潛
然，讓德不嗣。傳車在道，方愼宋昌之謀。法駕已陳，尚
杜耿純之勸。岳牧翹首，天民累息。臣聞星回日薄，擊
雷鞭電者之謂天。岳立川流，吐霧蒸雲者之謂地。苞
天地之混成，洞陰陽之不測。而以裁成萬物者，其在

聖人乎。故云天地之大德曰生，聖人之大寶曰位，黃
屋廟堂之下，本非獲已而居。明鏡四衢之鐫，蓋由應
物取訓。伏惟陛下，稽古文思，英雄特達，比以周旦，則
文王之子方之。放勛則帝摯之季，千年旦暮可不在
斯。庭闕湮亡，鍾鼎淪覆，嗣膺景歷，非陛下而誰。豈可
使赤眉更立，盆子隗囂託置高廟。陛下方復從容，高
讓用執謙光，展其矯行，僞書誣罔。正朔見機而作，斷
可識矣。匪疑何卜，無待著龜。日者公卿失馭，禍纏霄
極。侯景憑陵，姦臣互起，率戎伐頽，無處不然。勸明誅

晉側足皆爾、刀斗夜鳴、烽火相照、中朝人士相顧銜
悲、涼州義徒東望殞涕、慄慄黔首將欲安歸、陛下英
略緯天、沈明內斷、橫劒泣血枕戈、嘗膽農山、圯下之
策、金匱玉鼎之謀、莫不定算、展帷決勝千里、擊靈鼉
之鼓、而建翠華之旗、驅六州之兵、而總九伯之伐、四
方雖虞、一戰以霸、斬其鯨鯢、旣章大戮、荷校滅耳、莫
匪姦回、史不絕書、府無虛月、自洞庭安波、彭蠡底定、
文昭武穆、芳若椒蘭、敵國降城、和如親戚、九服同謀、
百道俱進、國恥家怨、計期就雪、社稷不墜、繫在聖明、

今也何時而申帝啓之避凶危。若此方陳泰伯之辭。國有具臣。誰敢奉詔王下者。高祖之天下。陛下者。萬國之歡心。萬國豈可無君。高祖豈可廢祀。卽日五星夜聚。八風通吹。雲煙紛郁。日月光華。百官象物而動。軍政不戒而備。飛鱸巨艦。竟水浮川。鐵馬銀鞍。陵山跨斧。英傑接踵。忠勇相顧。湛宗族以酬恩。焚妻子以報主。莫不覆楯銜威。提斧擊衆。風飛電耀。志滅凶醜。所待陛下。昭告后土。虔奉上帝。廣發明詔。師出以名。五行夕返。六軍曉進。便當盡司寇之威。窮蚩尤之伐。

乃建王宮。南望牛頭。方稱天闕。抑又聞之。玄圭旣錫。
蒼王無陳。乃械櫟之愆期。非苞茅之不貢。雲和之瑟。
久廢。甘泉孤竹之管。無聞。方澤。豈不懼歟。伏願陛下。
因百姓之心。拯萬邦之命。豈可逡巡固讓。方求石戶。
之農。高謝君臨。徒引箕山之客。未知上德之不德。惟。
見聖人之不仁。率土翹翹。蒼生何望。昔蘓季張儀。遣。
鄉負俗。尚復招三方以事趙。請六國以尊秦。況臣等。
顯奉皇華。親承朝命。瑤璋特達。通聘河陽。韶珥雍容。
尋盟漳水。加牢貶館。隨勢汙隆。瞻望鄉關。誠均休戚。

但輕生不造。命與時乖。忝一介之行人。同三危之遠
擯。承閒內殿。事絕耿弇之恩。封奏邊城。私等劉琨之
哭。不聞區區之至。謹拜表以聞。

光輝照天地。泣涕灑襟裾。才人之筆。義士之腸。

徐陵

勸進表

兼通直散騎常侍魏使徐陵於鄴奉表


臣聞封唐有聖，還承帝嚳之家，居代惟賢，終纂高皇之祚，無爲稱於華夏。至治表於垂衣，而撥亂反正，非開前古，至如金行重作，源出東莞，炎運猶昌，枝分南頓，豈得掩顯姓於軒轅，非才子於顓頊，莫不因時多難，俱繼神宗者也。伏惟陛下，出震等於勛華，明讓同於旦奭，握圖執鉞，將在御天，玉璠珠衡，先彰元后，神祇所命，非惟太室之祥，圖畫斯歸，何止堯門之瑞。若

夫大孝聖人之心。中庸君子之德。固以作訓生民。貽
風多士。一日二日。研覽萬機。允文允武。包羅羣藝。擬
茲三大。賓是四門。歷試諸難。咸熙庶績。斯無得而稱
也。自無妄興。暴皇祚寢微。封豨脩蛇。行災中國。靈心
所宅。下武其興。望紫極而長號。瞻丹陵而殞慟。家寃
將報。天賜黃鳥之旗。國害宜誅。神奉玄狐之錄。滕公
擁樹雄氣。方嚴張繡交兵。風神彌勇。忠誠冠於日月。
孝義感於冰霜。如霆如雷。如貔如虎。前驅効命。元惡
斯殛。旣挂膽於西州。方燃臍於東市。蚩尤三冢。寧謂

嚴誅王莽。千剗非云。明罰青羌。赤狄同昇。豺狼胡服。
夷言。咸爲京觀。邦畿濟濟。還見隆平。宗廟懋懋。方承
多福。自氤氲渾沌之世。驪連栗陸之君。封起龍圖。文
回鳥跡。雲師火帝。非無戰陣之風。堯誓湯征。咸用干
戈之道。星躔東井。時破嶠潼。雷震南陽。初平尋邑。未
有援三靈之已墜。救四海之羣飛。赫赫明明。龔行天
罰。如當今之盛者也。於是卿雲似蓋。晨映姚卿。甘露
如珠。朝華景寢。芝房感德。咸出銅池。萸莢伺辰。無勞
銀箭。重以東漸。玄兔西踰。白狼高柳。生風扶桑。盛日。

莫不編名屬國歸質鴻臚。荒服來賓。遐邇同福。其文
昭武穆。附萼也。如彼。天平地成。功業也。如此。久應旁
求掌固。諮詢天官。斟酌繁昌。經營高邑。宋王啓霸。非
勞陽武之矣。清蹕無虞。何事長安之邸。正應揚鑾旂
以饗帝。仰鳳宸以承天。歷數在躬。疇與爲讓。去月二
十日。兼散騎常侍。柳暉等至鄴。伏承聖旨。謙沖爲而
弗宰。或云涇陽未復。函谷無泥。旋駕金陵。方膺天睴。
愚謂大庭少昊。非有定居。漢祖殷宗。皆無恒宅。登封
岱岳。猶置明堂。巡狩章陵。時行司隸。何必西瞻虎據。





遺老敢忘劉向之心伏願天慈少思危苦之語
識深遠鑒不俟睹貌而窺石勒矣

端新數墨不封都歸而宸不憐矣

步頻亦隆向之少壯願天慈少思食之

謝郁

戒何敬容書

敬容免職尋起賓客門生誼譚如昔與其復用會稽謝郁致書戒之

草萊之人聞諸道路君侯已得瞻望朝夕出入禁門
醉尉將不敢呵灰然不無其漸甚休甚休敢賀於前
又將弔也昔流言裁作公且東奔燕書始來子孟不
入夫聖賢被虛過以自斥未有因時釁而求親者也
且曝鰓之鱗不念杯勺之水雲霄之翼豈顧籠樊之
糧何者所託已盛也昔君侯納言加首鳴玉在要回
豐貂以步文昌聳高蟬而趨武帳可謂盛矣不以此

時薦才拔士少報聖主之恩今卒如爰絲之說受責
見過方復欲更窺朝廷觖望萬分竊不爲左右取也
昔竇嬰楊惲亦得罪明時不能謝絕賓客猶交黨援
卒無後福終益前禍僕之所弔實在於斯人人所以
頗猶有踵君侯之門者未必皆感惠懷仁有灌夫任
安之義乃戒翟公之大署冀君侯之復用也夫在思
過之日而挾復用之意未可爲智者說矣君侯宜杜
門念失無有所通築茅茨於鍾阜聊優游以終老
可憐之意著待終之情復仲已也

也之譬、少戢言於衆口、微自救於竹帛、所謂失之東隅、收之桑榆、如此、令明主聞知、尚有翼也、僕東臯鄙人、入冗幸無銜舉、耻天下之士不爲執事道之故、披肝膽、示情素、君侯豈能鑒焉、

清逸獨出、何其滌盡當時塵灰也、

人生如夢

四庫全書

10

任昉

字彥昇樂安人好學知名永明初王儉領丹陽

引爲主簿以爲當時無輩梁臺初建禪讓文誥
多昉所具天監二年出爲義興在在清絮兒妾食麥而已

爲齊明帝表草

齊明帝旣廢鬱林王始爲侍中
中書監驃騎大將軍開府揚州

刺史錄尚書事宣城
郡公使昉具表草

臣本庸才智力淺短太祖高皇帝篤猶子之愛降家
人之慈世祖武皇帝情等布衣寄深同氣武皇大漸
實奉話言雖自見之明庸近所救愚夫一至偏識量
已實不忍自固於綴衣之辰拒違於玉几之側遂荷
顧託導揚末命雖嗣君棄常獲罪宣德王室不造職

臣之由何者。親則東牟。任維博陸。徒懷子孟社稷之
對。何救昌邑爭臣之譏。四海之議。於何逃責。陵土未
乾。訓誓在耳。家國之事。一至於斯。非臣之尤。誰任其
咎。將何以肅拜高寢。虔奉武園。悼心失圖。泣血待旦。
寧容復微榮於家。恥宴安於國危。驃騎上將之元勲。
神州儀刑之列岳。尚書是稱。司會中書。實管王言。且
虛飾寵章。委成禦侮。臣知不愜。物誰謂宜。但命輕鴻
毛。責重山岳。存沒同歸。毀譽一貫。辭一官。不減身累。
增一職。以贖朝經。便當自同體國。不爲飾讓。至於功

均一匡。賞同千室。光宅近甸。奄有全邦。殞越爲期。不敢聞命。亦願曲留降鑒。仰聽許鉅平之懇誠。必固永昌之丹慊。獲申乃知君臣之道。綽有餘裕。苟曰易昭。敢守難奪。

並是時體然情以事見。事以文昭。抑揚有意。曲折多姿。故足樂也。

會以姑多學也

在茲湘陽縣計以事具奉以支圖將耕有然則誌

理此今第

李謂之世書廣中代明有因之世勝有和發其日

最開命和國內時列聖發繼承并車平之德淵安國

第一道皆同平室次室次室次室次室次室次室次室

王僧孺

字僧孺魏衛將軍肅八代孫爲南海太守徵還除兼御史中丞僧孺幼貧其母鬻紗布以

自業嘗攜僧孺至市道遇中丞鹵簿驅迫溝中及自拜日引騶清道悲感不自勝

辭南康王牋

僧孺出爲南康王長史王典籤湯道愍用事僧孺每裁抑之道愍遂

謗訟僧孺逮詣

南司奉牋辭府

下官不能避溺山隅而正冠李下旣貽疵辱方致徽

繩解錄收簪且歸初服竊以董生偉器止相驕王賈

子上才爰傳卑土下官生年有值謬仰清塵假翼西

雍竊步東閣多慙袷服取亂長裾高榻相望直居左

右長階如畫獨在寮端借其從容之詞假以寬和之

癸
牋

色。恩禮遠過申白。榮望多厠應徐。厚德難逢。小人易
說。方謂離腸隕首。不足以報一言。露膽披誠。何能以
酬。屢顧寧謂。尉羅裁舉。微禽先落。閭闔始吹。細草
墜。一辭九畹。方去五雲。縱天網是漏。聖恩可恃。方復
孰寄心骸。何施眉目。方當橫潭亂海。就魚鼈而爲羣。
披榛捫樹。從虺虵而相伍。豈復仰聽金聲。式瞻玉色。
顧步高軒。悲如霰委。踟躕下。屣若綆縻。

遲

與陳伯之書

東昏假伯之節江州刺史高祖使說之受命進號封公及還江州復反戰敗入魏詔臨川王率軍北討宏命記室丘遲私與伯之書

陳將軍足下無恙幸甚將軍勇冠三軍才爲世出棄
鵲之小志慕鴻鵠以高翔昔因機變化遭逢明主
立功立事開國承家朱輪華轂旌旄萬里何其壯也
如何一旦爲奔亡之虜聞鳴鏑而股戰對穹廬以屈
膝又何劣耶尋君去就之際非有他故直以不能內
審諸已外受流言沈迷猖蹶以至於此聖朝赦罪論

功棄瑕錄用收赤心于天下反側安於萬物將軍之
可知非假僕一二談也朱鮪涉血於友于張繡傳刃
於愛子漢主不以爲疑魏君待之若舊况將軍無昔
人之罪而勲重於當代夫迷塗如反往哲是與不遠
而復先典攸高王上屈法申恩吞舟是漏將軍松栢
不剪親戚安居高臺未傾愛妾尚在悠悠爾心亦何
可述今功臣名將鴈行有序懷黃佩紫贊帷幄之謀
秉輅建節奉疆場之任並刑馬作誓傳之子孫將軍
獨顧顏借外驅馳異域寧不衰哉夫以慕容超之強

身送東市、姚泓之盛、面縛西都、故知霜露所均、不有
異類、姬漢舊邦、無敢雜種、北虜僭盜中原、多歷年所、
惡積禍盈、理至焦爛、况僞孽昏狡、自相夷戮、部落攜
離、酋豪猜貳、方當繫頸蠻邸、懸首藁街、而將軍魚遊
於沸鼎之中、鷺巢於飛幕之上、不亦惑乎、暮春三月、
江南草長、雜花生樹、羣鶯亂飛、見故國之旗鼓、感平
生於疇日、撫弦登俾、豈不愴恨、所以廉公之思趙將、
吳子之泣西河人之情也、將軍獨無情哉、想早勵良
圖、自求多福、

情詞之發如雍門之琴便欲使人泣下沾裳是乃
貴於辭者也

張充

字延符吳郡人父緒充少時不持操行好逸遊

充出獵左手臂鷹右手牽鉤遇緒船呼於水次

緒曰一身兩役無乃勞乎充跪對曰

請至來歲而敬易之明年修身改節

與王儉書

武帝欲以充父緒爲尚書僕訪於

王儉儉曰張緒少有清望緒諸子多

薄行充聞而

愠因與儉書

吳國男子張充致書於琅邪王君侯侍者頃路長

愁霖韜晦涼暑未平想無虧攝充幸以魚釣之閑鏤

採之暇時復以卷軸自娛逍遙前史縱橫萬古動默

之路多端紛綸百年昇降之徒不一故以圓行方止

器之異也金剛水柔性之別也善御性者不違金水

之質善爲器者不易方圓之用所以北海掛簪帶之
高河南降璽言之貴充生平少偶不以利欲干懷三
十六年差得以棲貧自澹介然之志峭聳霜崖確乎
之情峰橫海岸影纓天閣旣謝廊廟之華綴組雲臺
終慙衣冠之秀所以擯跡江臯陽狂隄畔者寔由氣
岸疏凝情塗狷隔獨師懷抱不見許於俗人孤秀神
崖每邇回於在堦故若山直上蹙壓公當年叔陽曼
舉韉轡乎千載充所以長羣魚鳥畢影松阿半頃之
田足以輸稅五畝之宅樹以桑麻嘯歌於川澤之間

謳歌於澠池之上，泛濫於漁父之遊，偃息於十居之
下，如此而已，充何識焉？若夫驚巖罩日，壯海逢天，竦
石崩尋，分危落仞，桂蘭綺靡，叢雜於山幽，松柏森陰，
相繚於澗曲，元卿於是乎不歸，伯休亦以茲長往，若
迴飛竿釣渚，濯足滄洲，獨浪烟霞，高臥風月，悠悠琴
酒，峭遠誰來，灼灼文談，空罷方寸，不覺鬱然千里，路
阻江川，每至西風，何嘗不眷，聊因疾隙，畧舉諸襟，持
此片言，輕枉高聽，丈人歲路未疆，學優而仕，道佐蒼
生，功橫海望，入朝則協長倩之談，出議則抗仲子之

節可謂盛德維時孤松獨秀者也素履未詳斯旅尚
耿茂陵之彥望冠蓋而長懷霸山之岷佇衣車而樂
歎得無惜乎若鴻裝輿御鶴駕軒空則岸不辭枯山
被其潤奇禽異羽或巖際而逢迎弱霧輕烟乍林端
而菴藹東都不足奇南山豈爲貴充昆西之百姓岱
表之一民蠶而衣耕而食不能事王侯覓知已造時
人騁遊說蓬轉於屠博之間其歡甚矣丈人早遇承
華中逢崇禮肆上之眷聖溢於早辰鄉下之言謬延
於這次然舉世皆謂充爲狂充亦何能與諸君道之

哉。是以披聞見。掃心胸。述平生。論語默。所以通夢交。
魂。推衿送抱者。其惟丈人而已。關山愛阻。書罷莫因。
儻遇樵者。妄塵執事。

自是吳國奇男子。儻此驚爲不小。

自吳國帝庚午劍出驚爲不小人知也過斯
劍出然皆矣聖辟事

時年終休養其卦失人而日關山變四書對其因
黃曼以外聞具赫心願張平生儲蓄標預以服夢交

劉峻

答劉沼書序

峻辨命論成中山劉沼致書以難之凡再反峻並爲申析以答之會沼卒不見峻後報者峻乃爲書以序之

序曰劉侯既有斯難值余有天倫之感竟未之致也尋而此君長逝化爲異物緒言餘論蘊而莫傳或有自其家得而示余者悲其音徽未沫而其人已亡青簡尚新而宿草將列泫然不知涕之無從雖隙駟不留尺波電謝而秋菊春蘭英華靡絕故存其梗槩更酬其言若使墨翟之言無爽宣室之談有徵冀東乎

之樹望咸陽而西靡。蓋山之泉開弦歌而赴節。但懸
劍空壟有限如何。

雖復短章亦有情折

劉峻

自序

序曰、余自比馮敬通、而有同之者三、異之者四、何則、
敬通雄才冠世、志剛金石、余雖不及之、而節亮慷慨、
此一同也、敬通值中興明君、而終不試用、余逢命世、
英主、亦擯斥當年、此二同也、敬通有忌妻、至于身操、
井臼、余有悍室、亦令家道顛軻、此三同也、敬通常更、
始之世、手握兵符、躍馬食肉、余自少迄長、戚戚無懽、
此一異也、敬通有一子仲文、官成名立、余禍同伯道、

永無血胤。此二異也。敬通膂力方剛。老而益壯。余有
犬馬之疾。溘死無時。此三異也。敬通雖芝殘惠焚。終
填溝壑。而爲名賢所慕。其風流郁烈。芬芳久而彌盛。
余聲塵寂漠。世不吾知。魂魄一去。將同秋草。此四異
也。所以自力爲序。遺之好事云。

風流郁烈。久而彌盛。獨有四同。乃餘三異。

廣絕交論

初昉于士大夫間多所汲引及卒諸子皆幼人罕瞻卹之平原劉孝標爲

著論

客問主人曰朱公叔絕交論爲是乎爲非乎主人曰
客奚此之問客曰夫草蟲鳴則阜螽躍雕虎嘯而清
風起故網緼相感霧涌雲蒸嚶鳴相召星流電激是
故王陽登則貢公喜罕生逝而國子悲且心同琴瑟
言鬱郁於蘭茝道叶膠漆志婉孌於墳簞聖賢以此
鏤金版而鐫盤盂書玉牒而刻鍾鼎若匠人輟成風

之妙巧。伯牙息流波之雅引。范張款款于下泉。尹班
陶陶於永夕。駱驛縱橫。烟霏雨散。皆巧力所不知。心
計莫能測。而朱益州。汨彝敘。越謨訓。捶直切。絕交遊。
視黔首。以鷹鷂。嬖人靈。於豺虎。蒙有猜焉。請辨其惑。
主人忻然曰。客所謂撫絃徽音。未達燥濕變響。張羅
沮澤。不覩鵠鴈高飛。蓋聖人握金鏡。闡風烈。龍驤蟻
屈從道。汗隆日月。聯璧歎。疊疊之弘致。雲飛電薄。頌
棣華之微旨。若五音之變化。濟九成之妙曲。此朱生
得玄珠於赤水。謨神睿而爲言。至夫組織仁義。琢磨

道德驩其愉樂。恤其陵夷。寄通靈臺之下。遺跡江湖之上。風雨急而不輟。其音霜雪零而不渝。其色斯賢達之素交。歷萬古而一遇。逮叔世民訛。狙詐颺起。谿谷不能踰其險。鬼神無以究其變。競毛羽之輕趨。錐刀之末。於是素交盡。利交興。天下蚩蚩。鳥驚雷駭。然利交同源。派流則異。較言其畧。有五術焉。若其寵鈞董石。權壓梁竇。雕刻百工。鑪錘萬物。吐漱興雲。雨呼吸下霜露。九域聳其風塵。四海壘其燠灼。靡不望影星奔。籍響川驚。雞人始唱。鶴蓋成陰。高門旦開。流水

接軫。皆願摩頂至踵。隳膽抽腸。約同要離。焚妻子。誓
徇荆卿。湛七族。是曰勢交。其流一也。富埒陶白。貲巨
程羅。山檀銅陵。家藏金穴。出平原而聯騎。居里閭而
鳴鍾。則有窮巷之賓。繩樞之士。冀宵燭之末光。邀潤
屋之微澤。魚貫鳬踊。颯沓鱗萃。分鴈鷺之稻粱。沾玉
笋之餘瀝。銜恩遇。進款誠。援青松以示心。指白水而
旌信。是曰賄交。其流二也。陸大夫燕喜西都。郭有道
人倫東國。公卿貴其籍甚。搢紳羨其登仙。加以顙頤
蹙額。涕吐流沫。騁黃馬之劇談。縱碧雞之雄辨。敘溫

煥則寒谷成暄。論嚴苦。則春叢零葉。飛沉出其顧指。
榮辱定其一言。於是弱冠王孫。綺九公子。道不往於
通人。聲未道於雲閣。攀其鱗翼。丐其餘論。附驥之
髦端。軼歸鴻於碣石。是曰談交。其流三也。陽舒陰慘。
生民大情。憂合離離。品物恒性。故魚以泉涸而照沫。
鳥因將死而悲鳴。同病相憐。緩河上之悲曲。恐懼冥
懷。昭谷風之盛典。斯則斷金由於湫隘。刎頸起於苦
蓋。是以伍員濯漑於宰嚭。張王撫翼於陳相。是曰窮
交。其流四也。馳驚之俗。澆薄之倫。無不操權衡。秉纖

續衡所以揣其輕重。續所以屬其鼻息。若衡不能舉。續不能飛。雖顏冉龍翰。鳳鷁曾史。蘭薰雪白。舒向金玉。淵海卿雲。黼黻河漢。視若遊塵。遇同土梗。莫肯費其半菽。罕有落其一毛。若衡重鎚銖。續微影撇。雖共工之蒐慝。驩之掩義。南荆之跋扈。東陵之巨猾。皆爲匍匐委蛇。折枝舐痔。金膏翠羽。將其意。脂韋便辟。導其誠。故輪蓋所遊。必非夷惠之室。苞苴所入。實行張霍之家。謀而後動。芒毫寡忒。是曰量交。其流五也。凡斯五交。義同賈鬻。故桓譚譬之於蘭闥。林回喻之。

於甘醴。夫寒暑遞進。盛衰相襲。或前榮而後瘁。或始富而終貧。或初存而末亾。或古約而今泰。循環翻覆。迅彼波瀾。此則徇利之情。未嘗異變化之道。不得二由是觀之。張陳所以凶終。蕭朱所以隙末。斷焉可知矣。而翟公方規規然勒門以箴客。何所見之晚乎。然因此五交。是生三豐。敗德殄義。禽獸相若。一豐也。難固易携。讐訟所聚。二豐也。名陷饕餮。貞介所羞。三豐也。古人知三豐之爲梗。懼五交之速尤。故王丹威子以櫛楚。朱穆昌言而示絕。有旨哉。近世有樂安任昉。

海內髦傑。早綰銀黃。夙招民譽。道文麗藻。方駕曹王。
英特儁邁。聯橫許郭。類田文之愛客。同鄭莊之好賢。
見一善。則盱衡扼腕。遇一才。則揚眉抵掌。雌黃出其
脣吻。朱紫由其月旦。於是冠蓋輻湊。衣裳雲合。輜輶
擊鞀。坐客恒滿。蹈其閭闔。若升闕里之堂。入其奧隅。
謂登龍門之坂。至於顧盼。增其倍價。剪拂使其長鳴。
影組雲臺者。摩肩趨走。丹墀者。疊迹莫不締恩狎。結
綢繆。想惠莊之清塵。庶羊左之徽烈。及瞑目東越。歸
懷難滿。總帳猶懸。門罕漬酒之彥。墳未宿草。野絕動

輪之賓。藐爾諸孤。朝不謀夕。流離大海之南。寄命瘴
癘之地。自昔把臂之英。金蘭之友。曾無羊舌下泣之
仁。寧慕邱成。分宅之德。嗚呼。世路險巇。一至於此。太
行孟門。寧云礪絕。是以耿介之士。疾其若斯。裂裳裹
足。棄之長驚。獨立高山之頂。懼與麋鹿同群。噉噉然
絕其零濁。誠恥之也。誠畏之也。

士君子于出門之間。試誦一過當。必赧然退步。約
而就寡矣。

劉峻

字孝標平原人年八歲爲人所畧富人劉實贖之教以書學寄人廡下自課讀書常燎麻炬從

旦夕達

辨命論

高祖招文學之士擢以不次峻率性而動不能與衆浮沉故不任用乃著辨命論以寄其懷

論曰至 upper 嘗與諸名賢言及管輅歎其有奇才而位不達時有在赤墀之下預聞斯議歸以告余余謂士之窮通無非命也故謹述天旨因言其畧云臣觀管輅天才英偉珪璋特秀實海內之髦傑豈日者卜祝之流而官止少府丞年終四十八天之報施何其寡

歎然則高才而無貴仕饗饗而居大位自古所嘆焉。獨公明而已哉。故性命之道窮通之數天閔紛綸莫知其辨。仲任蔽其源。子長闡其惑。至于鵠冠甕牖必以懸天有期。鼎貴高門則曰唯人所召。譊譊謹咋。異端俱起。蕭遠論其本而不暢其流。子玄語其流而未詳其本。嘗試言之曰。夫道生萬物。則謂之道。生而無主。謂之自然。自然者。物見其然。不知所以然。同焉皆得。不知所以得。鼓動陶鑄而不爲功。庶類混成而非其力。生之無亭毒之心。死之豈虔劉之志。墜之淵泉。

非其怒。昇之霄漢。非其悅。蕩乎大乎。萬寶以之化。確
乎純乎。一作而不易。化而不易。則謂之命。命也者。自
天之命也。定於冥兆。終然不變。鬼神莫能預。聖哲不
能謀。觸山之力。無以抗。倒日之誠。弗能感。短則不可
緩之於寸陰。長則不可急之於箭漏。至德未能踰。上
智所不免。是以放勛之代。浩浩襄陵。天乙之時。焦金
流矢。文公遯其尾。宣尼絕其糧。顏回敗其叢蘭。冉耕
歌其芣苢。夷叔斃淑媛之言。子輿困臧倉之訴。聖賢
且猶若此。而况庸庸者乎。至乃伍員浮屍于江流。三

閭沉骸於湘渚、賈大夫沮志於長沙、馮都尉皓髮于
郎署、君山鴻漸、鍛羽儀於高雲、敬通鳳起、推迅翮於
風穴、此豈才不足而行有道哉、近代有沛國劉瓛、瓛
弟璉、並一時之秀士也、瓛則關西孔子、通涉六經、循
循善誘、服膺儒行、璉則志烈秋霜、心貞崑玉、亭亭高
竦、不雜風塵、皆毓德於衡門、並馳聲于天地、而官有
徵於侍郎、位不登於執戟、相繼徂落、宗祀無饗、因斯
兩賢、以言古則、昔之玉質金相、英髦秀達、皆擯斥于
當年、韞奇才而莫用、候草木以共凋、與麋鹿而同死

膏塗平原。骨填川谷。湮滅而無聞者。豈可勝道哉。此則宰衡之與皂隸。容彭之與殤子。倚頓之與黔婁。陽文之與敦洽。咸得之於自然。不假道於才。假故曰死生有命。富貴在天。其斯之謂矣。然命體周流。變化非一。或先號後笑。或始吉終凶。或不召自來。或因人以濟。交錯紛糾。循環倚伏。非可以一理徵。非可以一途驗。而其道密微。寂寥忽恍。無形可以見。無聲可以聞。必御物以効靈。亦憑人而成象。譬天王之冕旒。任百官以司職。而或者覩湯武之龍躍。謂龕亂在神功。聞

孔墨之挺生。謂英睿擅奇響。視彭韓之豹變。謂鷙猛致人爵。見張桓之朱紱。謂明經拾青紫。豈知有力者。運之而趨乎。故言而非命。有六蔽焉。余請陳其梗槩。夫靡顏膩理。哆囀頤頰。形之異也。朝秀辰終。龜鶴千歲。年之殊也。聞言如響。智昏菽麥。神之辨也。同知三者。定乎造化。榮辱之境。獨曰由人。是知二五而未識於十。其蔽一也。龍犀日角。帝王之表。河目龜文。公侯之相。撫鏡知其將刑。壓組顯其膺錄。星虹樞電。昭聖德之符。夜哭聚雲。鬱興王之端。皆兆發于前期。渙汗

於後葉若謂驅絕虎奮尺劍人紫薇升帝道則未達
省冥之情未測神明之數其蔽二也空桑之里變成
洪川歷陽之都化爲魚鱉楚師屠漢卒睢河鯁其流
秦人坑趙士沸聲若雷震火炎崑岳礫石與琬琰俱
焚嚴霜夜零蕭艾與芝蘭共盡雖游夏之英才伊顏
之殆庶焉能抗之哉其蔽三也或曰明月之珠不能
無類夏后之璜不能無考故亭伯死於縣長長卿卒
於園令才非不傑也主非不明也而碎結綠之鴻輝
殘懸黎之夜色抑尺之量有短哉若然者主父偃公

孫弘對策不升第。歷說而不入。牧豕淄原。見棄州部。設令忽如過隙。溘死霜露。其爲詬耻。豈崔馬之流乎。及至開東閣。列五鼎。電照風行。聲馳海外。寧有愚而後智。先非而終是。將榮悴有定數。天命有至極。而謬生研蚩。其蔽四也。夫虎肅風馳。龍興雲屬。故重華立而元凱升。辛受生而飛廉進。然則天下善人少。惡人多。闇主衆。明君寡。而薰蕕不同器。臬鸞不接翼。是使渾沌櫟杙。踵武雲臺之上。仲容庭堅。耕耘巖石之下。橫謂廢興在我。無繫于天。其蔽五也。彼戎狄者。人面

獸心。宴安鴟毒。以誅殺爲道德。以蒸報爲仁義。雖大
風立於青丘。鑿齒奮於華野。比于狼戾。曾何足踰。自
金行不競。天地版蕩。左帶沸脣。乘間電發。遂覆溥洛。
傾五都。居先王之桑梓。竊名號於中縣。與三皇競其
氓黎。五帝角其區寓。種落繁熾。充牣神州。嗚呼。福善
禍淫。徒虛言耳。豈非否泰相傾。盈縮遞運。而汨之以
人其蔽六也。然所謂命者。死生焉。貴賤焉。貧富焉。理
亂焉。禍福焉。此十者。天之所賦也。愚智善惡。此四者。
人之所行也。夫神非舜禹。心異朱均。才絪中庸。在于

所習是以素絲無恒玄黃代起鮑魚芳蘭入而自變
故季路學於仲尼厲風霜之節楚穆謀於潘崇成悖
逆之禍而商臣之惡盛業光於後嗣仲由之善不能
息其結纓斯則邪正由於人吉凶存乎命或以鬼神
害盈皇天輔德故宋公一言法星三徙殷帝自翦千
里來雲善惡無徵未洽斯義且于公高門以待封嚴
毋掃墓以望喪此君子所以自彊不息也如使仁而
無報奚爲修善立名乎斯徑廷之辭也夫聖人之言
顯而晦微而婉幽遠而難聞河漢而不極或立教以

達庸憤。或言命以窮性靈。積善餘慶。立教也。鳳鳥不
至。言命也。今以其片言。辨其要趣。何異乎夕死之類。
而論春秋之變哉。且荆昭德音。丹雲不卷。周宣所用。
珪璧斯罄。于叟種德。不逮勛華之高。延年殘穢。未甚
東陵之酷。爲善一爲惡均。而禍福異其流。廢興殊其
迹。蕩蕩上帝。豈如是乎。詩云。風雨如晦。鷄鳴不已。故
善人爲善焉有息哉。夫食稻粱。進芻豢。衣狐貉。襲冰
紈。觀窈眇之奇儻。聽雲和之琴瑟。此生人之所急。非
有求而爲也。修道德。習仁義。敦孝悌。立忠節。漸禮樂。

梁書
之腴潤。蹈先王之盛則此君子之所急。非有求而爲也。然則君子居正體道樂天。知命明其無可奈何。識其不由智力。逝而不召。來而不距。生而不喜。死而不憾。瑤臺夏屋不能悅其神。土室編蓬未足憂其慮。不充詘於富貴。不遑遑於所欲。豈有史公董相不遇之文乎。

上天有命。聖人立教。其旨最善。異哉梁武取人。乃進退以詞賦之間。觀於孝標。則固未能盡以詞賦也。何足知其終身貧薄。知命守正之大節乎。

劉勰

字彥和東莞人家貧不娶倚沙門僧祐與之居處積十餘年遂博通經論

文心雕龍序

勰撰文心雕龍五十篇論古今文體引而次之

夫文心者言爲文之用心也昔涓子琴心王孫巧心
心哉美矣夫故用之焉古來文章以雕鐫成體豈取
駟奭羣言雕龍也夫宇宙緜邈黎獻紛雜拔萃出類
智術而已歲月飄忽性靈不居騰聲飛實制作而已
夫肖貌天地稟性五才擬耳目於日月方聲氣乎風
雷其超出萬物亦已靈矣形甚草木之脆名踰金石
之堅是以君子處世樹德建言豈好辯哉不得已也

予齒在踰立。嘗夜夢執丹漆之禮器。隨仲尼而南行。旦而寤。乃怡然而喜。大哉聖人之難見也。乃小子之垂夢歟。自生人以來。未有如夫子者也。敷讚聖旨。莫若注經。而馬鄭諸儒弘之已精。就有深解。未足立家。唯文章之用。實經典枝條。五禮資之以成。六典因之致用。君臣所以炳煥。軍國所以昭明。詳其本源。莫非經典。而去聖久遠。文體解散。辭人愛奇。言貴浮詭。飾羽尚畫。文繡鞏悅。離本彌甚。將遂訛濫。蓋周書論辭。貴乎體要。尼父陳訓。惡乎異端。辭訓之異。宜體於要。

於是搦筆和墨。乃始論文。詳觀近代之論文者多矣。至如魏文述典。陳思序書。應瑒文論。陸機文賦。仲治流別。弘範翰林。各照隅隙。鮮觀衢路。或臧否當時之才。或銓品前脩之文。或汎舉雅俗之旨。或撮題篇章之意。魏典密而不周。陳書辯而不當。應論華而疎略。陸賦巧而碎亂。流別精而少功。翰林淺而寡要。又君山公幹之徒。吉甫士龍之輩。汎議文意。往往間出。竝未能振葉以尋根。觀瀾而索源。不迷先哲之誥。無益後生之慮。蓋文心之作也。本道乎。師乎聖。體乎經。酌

乎緯。變乎騷文之樞紐。亦云極矣。若乃論文敘筆。則
圍別區分。原始以表末。釋名以章義。選文以定篇。敷
理以舉統。上篇以上。綱領明矣。至於割情析表。籠圈
條貫。摘神性圖。風勢苞會。通閱聲字。崇贊於時敘。褒
貶於才略。怱悵於知音。耿介於程器。長懷序志。以馭
羣篇。下篇以下。毛目顯矣。位理定名。彰乎大易之數。
其爲文用。四十九篇而已。夫銓敘一文爲易。彌綸羣
言爲難。雖復輕采毛髮。深極骨髓。或有曲意密源。似
近而遠。辭所不載。亦不勝數矣。及其品評成文。有同

乎舊談者。非雷同也。勢自不可異也。有異乎前論者。
非苟異也。理自不可同也。同之與異。不屑古今。擘肌
分理。唯務折衷。案轡文雅之場。而環絡藻繪之府。亦
幾乎備矣。但言不盡意。聖人所難。識在餅管。何能矩
矱。茫茫往代。旣洗予聞。眇眇來世。倘陳彼觀。

勳書旣成。取定沈約。自負其書。約出于之。於車前
便命取讀。常陳几案。

卷之五

范縝

字子真南鄉人沛國劉瓛聚眾講說往從之傳通經術尤精三理性質直好危言高論不為

友所安

神滅論

初縝在齊世嘗侍竟陵王子良子良精信釋教而縝盛稱無佛退論其理著神

論

論曰或問予云神滅何以知其滅也荅曰神即形也

形即神也是以形存則神存形謝則神滅也問曰形

者無知之稱神者有知之名知與無知即事有異神

之與形理不容一形神相即非所聞也荅曰形者神

之質神者形之用是則形稱其質神言其用形之與

神不得相異也。問曰：神固非用，不得爲異，其義安在？
荅曰：名殊而體一也。問曰：名旣已殊，體何得一？荅曰：
神之於質，猶利之於刀，形之於用，猶刀之於利。利之
名非刀也，刀之名非利也。然而捨利無刀，捨刀無利。
未聞刀沒而利存，豈容形亡而神在？問曰：刀之與利，
或如來說，形之與神，其義不然，何以言之？木之質無
知也，人之質有知也。人旣有如木之質而有異木之
知，豈非木有一人，有二邪？荅曰：異哉言乎！人若有如
木之質以爲形，又有異木之知以爲神，則可如來論。

也。今人之質質有知也。木之質質無知也。人之質非木質也。木之質非人質也。安有如木之質而復有異木之知哉。問曰：人之質何以異木質者以其有知耳。人而無知與木何異。荅曰：人無無知之質猶木無有知之形。問曰：死者之形骸豈非無知之質邪。荅曰：是無人質。問曰：若然者人果有如木之質而有異木之知矣。荅曰：死者如木而無異木之知。生者有異木之知而無如木之質也。問曰：死者之骨骼非生之形骸邪。荅曰：生形之非死形。死形之非生形。區已革矣。安

有生人之形骸而有死人之骨骼哉。問曰：若生者之形骸，非死者之骨骼，非死者之骨骼，則應不由生者之形骸，不由生者之形骸，則此骨骼從何而至此邪？答曰：是生者之形骸變為死者之骨骼也。問曰：生者之形骸，雖變為死者之骨骼，豈不從生而有死，則知死體猶生體也。答曰：如因榮木變為枯木，枯木之質，寧是榮木之體。問曰：榮體變為枯體，枯體即是榮體，絲體變為縷體，縷體即是絲體，有何別焉？若曰：若枯即是榮，榮即是枯，應榮時凋零，枯時結實也。又榮木

不應變爲枯木。以榮卽枯。無所復變也。榮枯是一。何不先枯。後榮。要先榮。後枯。何也。絲縷之義。亦同此破。問曰。生形之謝。便應豁然都盡。何故方愛死形綿歷未已邪。荅曰。生滅之體。要有其次故也。夫歟而生者。必歟而滅。漸而生者。必漸而滅。歟而生者。飄驟是也。漸而生者。動植是也。有歟有漸。物之理也。問曰。形卽是神者。手等亦是邪。荅曰。皆是神之分也。問曰。若皆是神之分。神旣能慮。手等亦應能慮也。荅曰。手等亦應能有痛癢之知。而無是非之慮。問曰。慮爲一。爲異。

答曰知卽是慮淺則爲知深則爲慮問曰若爾應有
二乎答曰人體惟一神何得二問曰若不得二安有
痛癢之知復有是非之慮答曰如手足雖異總爲一
人是非痛癢雖復有異亦總爲一神矣問曰是非之
慮不關手足當關何處答曰是非之意心器所主問
曰心器是五藏之心非邪答曰是也問曰五藏有何
殊別而心獨有是非之慮乎答曰七竅亦復何殊而
司用不均問曰慮思無方何以知是心器所主答曰
五藏各有所司無有能慮者是以心爲慮本問曰何

不寄在眼等分中。荅曰：若慮可寄於眼分，何故不寄於耳分邪？問曰：慮體無本，故可寄之於眼分。眼目有本，不假寄於他分也。荅曰：眼何故有本而慮無本？苟無本於我形，而可徧寄於異地，亦可張甲之情寄王乙之驅，李丙之性託趙丁之體，然乎哉？不然也。問曰：聖人形猶凡人之形，而有凡聖之殊，故知形神異矣。荅曰：不然。金之精者能照，穢者不能照。有能照之精，金寧有不照之穢質？又豈有聖人之神而寄凡人之器，亦無凡人之神而託聖人之體？是以八采重瞳，助

華之容、龍顏馬口、軒皞之狀、形表之異也。比干之心、七竅列角、伯約之膽、其大若拳、此心器之殊也。是知聖人定分、每絕常區、非惟道革群生、乃亦形超萬有。凡聖均體、所未敢安。問曰：子云聖人之形、必異于凡者、敢問陽貨類仲尼、項籍似大舜、舜項孔陽、智革形同、其故何邪？荅曰：珉似玉而非玉、鷄類鳳而非鳳、物誠有之、人故宜爾。項陽貌似而非實似、心器不均、雖貌無益。問曰：凡聖之殊、形器不一可也、員極理無有二、而丘旦殊姿、湯文異狀、神不侔色、於此益明矣。荅

曰聖同於心、器形不必同也、猶馬殊毛而齊逸、玉異色而均美、是以晉棘荆和等價連城、驕騮驪驪俱致千里、問曰形神不二、旣聞之矣、形謝神滅、理固宜然、敢問經云爲之宗廟以鬼饗之、何謂也、荅曰聖人之教然也、所以弭孝子之心、而厲偷薄之意、神而明之、此之謂矣、問曰伯有被甲、彭生豕見、墳素著其事、寧是設教而已邪、荅曰妖怪茫茫、或存或亡、彊死者衆、不皆爲鬼、彭生伯有、何獨能然、乍爲人豕、未必齊鄭之公子也、問曰易稱故知鬼神之情狀、與天地相似

而不違。又曰：載鬼一車，其義云何？荅曰：有禽焉，有獸焉，飛走之別也；有人焉，有鬼焉，幽明之別也；人滅而爲鬼，鬼滅而爲人，則未之知也。問曰：知此神滅，有何利用？邪？荅曰：浮屠害政，桑門蠹俗，風驚霧起，馳蕩不休。吾哀其弊，思拯其溺。夫竭財以赴僧，破產以趨佛，而不恤親戚，不憐窮匱者，何？良由厚我之情深，濟物之意淺。是以圭撮涉於貧友，毫情動於顏色；千鍾委於富僧，歡意暢於容髮。豈不以僧有多稔之期，友無還秉之報？務施闕於周急，歸德必於在已。又惑以茫

昧之言。懼以阿鼻之苦。誘以虛誕之辭。欣以兜率之樂。故捨逢掖。襲橫衣。廢黼黻。列鉼鉢。家家棄其親人。人人絕其嗣續。致使兵挫於行間。吏空于官府。粟罄於情遊。貨殫于泥木。所以奸宄弗勝。頌聲尚擁。惟此之故。其流莫已。其病無限。若陶甄稟於自然。森羅均於獨化。忽焉自有。悅爾而無來也。不禦。去也不追。乘夫天理。各安其性。小人甘其壟畝。君子保其恬素。耕而食。食不可窮也。蠶而衣。衣不可盡也。下有餘以奉其上。上無爲以待其下。可以全生。可以匡國。可以霸

君用此道也

自結自解然結處精悍倍過於解有此機鋒方是
儒者不爲腐爛

不辭並食戰于水木所以致此悲觀其悲前
人人解其困難廷對其對故計開東空于宜自果
果計終致其悲悲永烈此五以難持案案棄其
和之言以同臭之苦清以氣瑞之精加以聖率之

劉歆

字士光平原人年十一讀莊子逍遙篇曰此可解耳嘗獨坐有一老公至門謂曰心力勇猛能

精生死但不得久滯一方耳彈指而去

革終篇

敲著革終篇明年疾卒年三十二

論曰死生之事聖人罕言之矣孔子曰精氣爲物遊魂爲變知鬼神之情狀與天地相似而不違其言約其言妙其事隱其意深未可以臆斷難得而精覈聊肆狂瞽請試言之夫形慮合而爲生魂質離而稱死合則起動離則休寂當其動也人皆知其神及其寂也物莫測其所趣皆知則不言而義顯莫測則逾辯

而理微、是以勛華曠而莫陳、郊孔抑而不說、前達往
賢、互生異見。季礼云、骨肉歸于土、魂氣無不之。莊周
云、主爲徭役、死爲休息。尋此二說、如或相反。何者、氣
無不之、神有也。死爲休息、神無也。原憲云、夏后氏用
明器、示民無知也。殷人用祭器、示人有知也。周人兼
用之、示民疑也。考之記籍、驗之前志、有無之辯、不可
歷言。若稽諸內教、判乎釋部、則諸子之言、可尋。三代
之禮、無越何者。神爲生本、形爲生具。死者神離此具、
而即非彼具也。雖死者不可復反、而精靈遞變、未嘗

滅絕。啗其離此之日。識用廓然。故夏后明器示其弗
反。卽彼之時。魘靈知滅。故殷人祭器顯其猶存。不存
則合乎莊周。猶存則同乎季札。各得一隅。無傷厥義。
設其實也。則亦無故。周人有兼用之禮。尼父發遊魘
之唱。不其然乎。若廢偏攜之論。探中途之旨。則不仁
不智之譏。於是乎可息。夫形也者。無知之質也。神也
者。有知之性也。有知不獨存。依無知以自立。故形之
於神。逆旅之館耳。及其死也。神去此而適彼也。神已
去此。館何用存。速朽得理也。神已適彼。祭何所祭。祭

則失禮。而姬孔之教不然者。其有以乎。蓋禮樂之興。出於澆薄。俎豆綴兆。生於俗弊。施靈寢。陳棺槨。設饋奠。建丘隴。蓋欲令孝子有追思之地耳。夫何補于已。遷之神乎。故上古依之以新。棄之中野。可謂尊盧赫胥。皇雄炎帝。蹈於失理哉。是以子羽沈川。漢伯方壙。文楚黃壤。士安麻索。此四子者。得理也。忘教也。若從四子而遊。則平生之志得矣。然積習生常。難卒改革。一朝肆志。儻不見從。今欲翦截煩厚。務存儉易。進不裸尸。退異常俗。不傷存者之念。有合至人之道。孔子

云。歛首足形還葬而無槨。斯亦貧者之禮也。余何陋
焉。且張奐止用幅巾。王肅唯盥手足。范冉殮畢便葬。
奚珍無設筵几。文度故舟爲槨。子廉牛車截柩。叔起
誠絕墳隴。康成使無卜吉。此數公者。尚或如之。況于
吾人而尚華泰。今欲髣髴景行。以爲軌則。儻合中庸
之道。庶免徒費之譏。氣絕不須復覓。盥洗而歛。以一
千錢市治棺。單故裙衫衣巾枕復。此外往送之具。棺
中常物。及餘闇之祭。一不得有所施。世多信李彭之
言。可謂惑矣。余以孔釋爲師。差無此惑。歛訖。載以露

車歸於舊山。隨得一地。地足爲塋。塋足容棺。不須塋
甍。不勞封樹。勿設祭饗。勿置几筵。無用茅君之虛座。
伯夷之杆水。其蒸嘗繼嗣言象所絕。事止余身。無傷
世教。家人長幼。內外姻戚。凡厥友朋。爰及寓所咸願
成余之志。幸勿奪之。

直是已解生死何足復論始終

阮孝緒

字士宗陳留人幼至孝性沉靜屏居一室非

就之遊鑒

垣而逃

孔莊論

論云夫至道之本貴在無爲聖人之跡存乎拯弊弊
拯由跡跡用有乖於本本旣無爲爲非道之至然不
垂其跡則世無以平不究其本則道實交喪丘旦將
存其跡故宜權晦其本老莊但明其本亦宜深抑其
跡跡旣可抑數子所以有餘本方見晦尼丘是故不
足非得一之士闕彼明智體之之徒獨懷鑒識然聖

已極照。反創其跡。賢未居宗。更言其本。良由跡須拯
世。非聖不能。本實明理。在賢可照。若能體茲本跡。悟
彼抑揚。則孔莊之意。其過半矣。

梁書序

儒林傳序

漢氏承秦燔書、大弘儒訓、太學生徒、動以萬數、郡國
黌舍、悉皆充滿、學於山澤者、至或就爲列肆、其盛也
如是、漢末喪亂、其道遂衰、魏正始以後、仍尚玄虛之
學、爲儒者益寡、時荀顗、摯虞之徒、雖剛定新禮、改官
職、未能易俗、移風、自是中原橫潰、衣冠殄盡、江左草
創、日不暇給、以迄於宋齊、國學時或開置、而勸課未
博、建之不及十年、益取文具、廢之多、歷世祀、其棄也

忽諸鄉里莫或開館公卿罕通經術朝廷大儒獨學而弗肯養衆後生孤陋擁經而無所講習三德六藝其廢久矣高祖有天下深愍之詔求碩學治五經定六律改斗歷正權衡天監四年詔曰二漢登賢莫非經術服膺雅道名立行成魏晉浮蕩儒教淪歇風節罔樹抑此之由朕日昃罷朝思聞俊異收士得人實惟醕獎可置五經博士各一人廣開館宇招內後進於是以前原明山賓及興沈峻建平嚴植之會稽賀瑒補博士各主一館館有數百生給其餼廩其射策

通明者卽除爲吏。十數月間。懷經負笈者。雲會京師。又選遣學生如會稽。雲門山。受業於廬江何胤。分遣博士祭酒到州郡立學。七年。又詔曰。建國君民立教。爲首。砥身礪行。由乎經術。朕肇基明命。光宅區宇。雖耕耘稚業。傍闡藝文。而成器未廣。志本猶闕。非以鎔範貴遊。納諸軌度。思欲式敦讓齒。自家刑國。今聲訓所漸。戎夏同風。宜大啓庠敷。博延胄子。務使十倫弘此三德。使陶鈞遠被。微言載表。於是皇太子皇子宗室王侯始就業焉。高祖親屈輿駕。釋奠於先師先聖。

申之以讌語勞之以束帛濟濟焉洋洋焉大道之行也如是其伏曼容何佟之范縝有舊名於世爲時儒者嚴植之賀瑒首膺茲選今並綴爲儒林傳云

梁書序


止足傳序

易曰亢之爲言也知進而不知退知存而不知亡知進退存亡而不失其正者其唯聖人乎傳曰知足不辱知止不殆然則不知夫進退不達乎止足殆辱之累朞月而至矣古人之進也以康世濟務也以弘道厲俗也然其進也光寵夷易故愚夫之所乾沒其退也苦節艱貞故庸曹之所忌憚雖禍敗危亡陳乎耳目而輕舉高蹈寡乎前史漢世張良功成身退病臥

却粒比於樂毅范蠡至乎顛隕斯爲優矣其後薛廣
德及二疏等去就以禮有可稱焉魚豢魏畧知足傳
方田徐於管胡則其道本異謝靈運晉書止足傳先
論晉世文士之避亂者殆非其人唯阮思曠遺榮好
遁遠殆辱矣宋書止足傳有羊欣王微咸其流亞齊
時沛國劉瓛字子珪辭祿懷道棲遲養志不戚戚于
貧賤不耽耽於富貴儒行之高者也梁有天下小人
道消賢士大夫相招在位其量方守志則帝世罔聞
時或有致仕告老或有寡志少欲國史書之亦以爲

止足傳云

梁書序論淺率少文大較不足存錄也



梁書史論

帝紀總論

史臣侍中鄭國公魏徵曰、高祖固天攸縱、聰明稽古、
道亞生知、學爲博物、允文允武、多藝多木、爰自諸生、
有不羈之度、屬昏凶肆虐、天倫及禍、收合義旅、將雪
家冤、曰紂可伐、不期而會、龍躍樊漢、電擊湘郢、剪離
德如振槁、取獨夫如拾遺、其雄才大畧、固無得而稱
矣、旣懸白旗之首、方應皇天之睠、布德施惠、悅近來
遠、開蕩蕩之王道、革靡靡之商俗、大修文教、盛飾禮

客鼓扇玄風、闡揚儒業、介胄仁義、折衝樽俎、聲振寰
宇、澤流遐裔、干戈載戢、凡數十年、濟濟焉、洋洋焉、魏
晉已來、未有若斯之盛、然不能息末敦本、斲彫爲樸、
慕名好事、崇尚浮華、抑揚孔墨、流連釋老、或經夜不
寢、或終日不食、非弘道以利物、惟飾智以驚愚、且心
未遺榮、虛厠蒼頭之伍、高談脫屣、終戀黃屋之尊、夫
人之大欲、在乎飲食、男女、至於軒冕、殿堂、非有切身
之急、高祖屏除嗜慾、眷戀軒冕、得其所難而滯於所
易、可謂神有所不達、智有所不通矣、逮夫精華稍竭、

鳳德已衰、惑於聽受、權在姦佞、儲后百辟、莫得盡言、
險躁之心、暮年愈甚、見利而動、復諫違卜、開門揖盜、
棄好卽讐、釁起蕭牆、禍成戎羯、身殞非命、災被億兆、
衣冠斃鋒鏑之下、老幼粉戎馬之足、瞻彼黍離、痛深
周廟、永言麥秀、悲甚殷墟、自古以安爲危、旣成而敗、
顛覆之速、書契所未聞也、易曰、天之所助者信、人之
所助者順、高祖之遇斯屯、剝不得其死、蓋動而之險、
不由信順、失天人之所助、其能免於此乎、太宗聰睿
過人、神彩秀發、多聞博達、富瞻詞藻、然文豔用寡、華

而不實、體窮淫麗、義罕疏通、哀思之音、遂移風俗、以此而貞萬國、異乎周誦漢莊矣、我生不辰、載離多難、桀逾構扇、巨滑滔天、始自牖里之拘、終類望夷之禍、悠悠蒼天、其可問哉、昔國步初屯、兵纏魏闕、羣后釋位、投袂勤王、元帝以磐石之宗、受分陝之任、屬君親之難、居連率之長、不能撫劒嘗膽、枕戈泣血、躬先士卒、致命前驅、遂乃擁衆逡巡、內懷缺望、坐觀時變、以爲身幸、不忿莽卓之誅、先行昆弟之戮、又沈猜忌、酷多行無禮、騁智辯以飾非、肆忿戾以害物、爪牙重將

心脅謀臣、或顧眄以就拘囚、或一言而及薤醢、朝之
君子相顧慄然、自謂安若太山、舉無遺策、怵於邪說、
卽安荆楚、雖元惡克翦、社稷未寧、而西隣責言、禍敗
旋及、上天降鑒、此焉假手、天道人事、其可誣乎、其篤
志藝文、採浮滛而棄忠信、戎昭果毅、先骨肉而後寇
讐、雖口誦六經、心通百氏、有仲尼之學、有公旦之木
適、足以益其驕矜、增其禍患、何補金陵之覆沒、何救
江陵之滅亡哉、敬帝遭家不造、紹茲屯運、征伐有所
自出、政刑不由於已、時無伊霍之輔、焉得不爲高讓

歟

卷之四 詩經

卷之四

卷之四

詔令

奏議

雜著

史論

雲間

許清胤介夫

吳興吳景釗舜舉

顧在觀觀生輯評

顧之萃宗之叅訂

句章陳

裕廣生

陳

祐天生

武帝

諱霸先字興國吳興人漢太丘長寔之後也少倣黨有大志既長讀兵書多武藝日角龍顏手

垂過膝梁武帝詔為交州司馬侯景寇京師舉義赴援景誅斬王僧辯梁禪以位

驍騎儀從詔

永定二年春正月

詔曰夫設官分職因事重輕羽儀車馬隨時隆替晉

之五校鳴笳啓途漢之九卿傳呼竝迺虞官夏禮豈

陳書 詔

曰同科。殷朴周文固無忤格。朕膺茲寶歷。代是天工。留念官方。庶允時衷。梁天監中。左右驍騎領朱衣直閣。竝給儀從。北徐州刺史昌義之。初首爲此職。亂離歲久。朝典不存。後生年少。希聞舊則。今去左右驍騎。宜通文武。文官則用腹心。武官則用功臣。所給儀從。同太子二衛。率此外衆官。尚書詳爲條制。

武帝

賑恤詔

永定三年二月

詔曰開廩賑絕育民之大惠巡方恤患前王之令典
朕當斯季俗膺此樂推君德未孚民瘼猶甚重茲多
壘彌疚納隍良由四聰弗達千里勿應博施之仁何
其或爽殘弊之軌致此未康吳州緡州去歲蝗旱郢
田雖疏鄭渠終涸室靡盈積之望家有填壑之嗟百
姓不足兆民何賴近已遣中書舍人江德藻銜命東
陽與令長二千石問民疾苦仍以入臺舍見未分仁

陳書

詔

雖德非既飽庶微慰阻飢

文帝

諱舊字子華始興昭烈王長子沈敏有識量舉動方雅造次必遵禮法高祖甚愛之永定三年

六月高祖崩遺

詔徵世祖入纂

舉賢詔

天嘉元年秋七月

詔曰朕以眇身屬當大寶負荷至重憂責實深而庶績未康胥怨猶結佇咨賢良發於夢想每有一言入聽片善可求何嘗不褒獎抽揚緘書紳帶而傳巖虛往窮谷尚淹蒲幣空陳旌弓不至豈當有乖則哲使草澤遺才將時運澆流今不逮古側食長懷寢興增歎新安太守陸山才有啓薦梁前征西從事中郎蕭

策梁前尚書中兵郎王暹。竝世胄清華，羽儀著族，或
文史足用，或孝德可稱，竝宜登之朝序，擢以不次。王
公已下，其各進舉賢良，申薦淪屈，庶衆才必萃，大廈
可成，使棧樸載歌，由庚在詠。

陳氏樹本旣淺，文帝纂統，又支宜其臨淵集水，以
保令終者也。

宣帝

諱頊字紹世始興王第二子慈訓太后令廢帝爲臨海王以高宗入纂

求言舉士詔

太建三年秋九月

詔曰、舉善從諫、在上之明規、進賢謁言、爲臣之令範、朕以寡德、嗣守寶圖、雖世襲隆平、治非寧一、辨友分職、肝食早衣、傍闕爭臣、下無貢士、何其闕爾、鮮能抗直、豈余獨運、匪薦讜言、置鼓公車、罕論得失、施石象魏、莫陳可否、朱雲推檻、良所不逢、禽息觸楹、又爲難值、至如衣褐以見、擔簦以遊、或者艾絕倫、或妙年異等、干時而不偶、左右莫之譽、黑貂改弊、黃金且殫、終

身滯淹可爲太息又貴爲百辟賤有十品工拙並鰲
勸沮莫分銜語徒擁廷議斯闕寔朕之弗明而時無
獻替永言至治何迺爽歟外可通示文武凡厥在位
風化乖殊朝政紕蠹正色直辭有犯無隱兼各舉所
知隨才明試其莅政廉穢在職能否分別矢言俟茲
黜陟

宣帝

循儉約詔

太建十一年十二月

詔曰昔堯舜在上茅屋土階湯禹爲君藜杖韋帶至如甲帳珠絡華棖壁璫未能雍熙徒聞侈欲朕企仰前聖思求訟平正道多違澆風又靡至今貴里豪家金鋪玉舄貧居陋巷蔬食牛衣稱物平施何其遼遠燿烽未息役賦兼勞文吏姦貪妄動科格重以旗亭關市稅歛繁多不廣都內之錢非供水衡之費逼追商賈營謀私蓄靖懷衆弊宜事改張弗弘王道安極

民蠹。今可宣勅王衣尚方諸堂署等。自非軍國資須。不得繕造衆物。後官僚列。若有游長掖庭啓奏。卽皆量遣。太子祕戲。非會禮經。樂府倡優。不合雅正。竝可刪改。市估津稅。軍令國章。更須詳定。唯務平允。別觀離宮郊閒野外。非恒饗宴。勿復脩治。并勅内外文武車馬宅舍。皆循儉約。勿尚奢華。違我嚴規。抑有刑憲。所由具爲條格。標榜宣示。令喻朕心焉。

後主

勸耕詔

太建十四年三月

詔曰躬推爲勸義顯前經力農見賞事昭往誥斯乃
國儲是資民命攸屬豐儉隆替靡不由之夫入賦自
古輸藁惟舊沃饒貴于十金磽确至於三易腴瘠旣
異盈縮不同詐僞日興簿書歲改稻田使者著自西
京不實峻刑聞諸東漢老農懼於祗應俗吏因而侮
文輟未成羣游手爲仁永言妨蠹良可太息今和陽
在節膏澤潤下宜展春耨以望秋坻其有新闢墜畎

進墾蒿萊。廣袤勿得度量。征租悉皆停免。私業久廢。
咸許占作。公田荒縱。亦隨肆勤儻。良守教耕。淳民載
酒。有茲督課。議以賞擢。外可爲格。班下。稱朕意焉。

後主

乞言詔

太建十四年三月

詔曰昔睿后宰民哲王御寓雖德稱汪濊明能普燭
猶復紆已乞言降情訪道高咨岳牧下聽輿臺故能
政若神明事無悔吝朕纂承丕緒思隆大業常懼九
重已遠四聰未廣欲聽昌言不疲痺足若逢廷折無
憚批鱗而口柔之辭儻聞於在位腹誹之意或隱於
具條非所以弘理至公緝熙帝載者也內外卿士文
武衆司若有智周政術心練治體救民俗之疾苦辯

禁網之疎密者各推忠讜無所隱諱朕將虛已聽受
擇善而行庶幾鑒物情匡我王度

似有條理非徇虛聲初政既然何以致亂

言情

野五

後主

諱叔寶字元秀高宗嫡長太建元年立爲皇太子十四年正月高宗崩始興王叔陵作逆伏誅

太子
卽位

內外衆官可各薦人詔
太建十四年三月

夫體國經野長世字我雖因革儻殊弛張或異至於
旁求俊乂爰逮側微用道和羹是隆大厦上智中主
咸由此術朕以寡薄嗣膺景祚雖哀疚在躬情慮惛
舛而宗社任重黎庶務殷無由自安拱默敢忘康濟
思所以登顯髦彥式備周行但空勞宵夢屢勸史十
五就莫來五能不至是用申旦疑慮丙夜損攘豈以

陳書

詔

食玉炊桂。無因自達。將懷寶迷邦。咸思獨善。應內外
衆官。九品已上。可各薦一人。以會彙征之旨。且取備
實難舉長。或易小大之用。明言所施。勿得南箕北斗。
名而非實。其有負能。伏氣擯壓。當時著實。戲以自憐。
草客嘲以慰志。人生一世。逢遇誠難。亦宜去此幽谷。
翔茲天路。趨銅駝以觀國。望金馬而來庭。便當隨彼
方圓。飭之矩矱。

後主

改年詔

至德元年春正月

詔曰朕以寡薄嗣守鴻基哀惻切慮疹恙纏織訓俗少方臨下靡筭懼甚踐冰慄同馭朽而四氣易流三光遙至纓紱列陛玉帛克庭具物匪新節序疑舊緬思前德永慕昔辰對軒闥而哽心顧扈筵而慄氣思所以仰遵遺構俯勵薄躬陶鑄九流休息百姓用弘寬簡取叶陽和可大赦天下改太建十五年爲至德元年

原書

詔

後主

赦詔

禪明元年春正月

詔曰、栢皇大庭鼓淳和於曩日、姬王羸后、被澆風於末載、刑書已鑄、善化匪融、禮義旣乖、姦宄斯作、何其淳朴不及、浮華競扇者歟、朕居中御物、納隍在瞻、頻恢天網、屢絕三邊、元元黔庶、終罹五辟、蓋乃康哉寡薄、抑焉法令滋章、是用當宁弗怡、矜此向隅之意、今三元具序、萬國朝辰、靈芝獻於始陽、膏露凝於聿歲、從春施令、仰乾布德、思與九有、惟新七政、可大赦天

下。

雖有寬仁之令無補顛蹶之凶實則不至本末異

量也

大略其辭三盛其言然其意則一也蓋其意則一也

其意則一也蓋其意則一也蓋其意則一也蓋其意則一也

其意則一也蓋其意則一也蓋其意則一也蓋其意則一也

其意則一也蓋其意則一也蓋其意則一也蓋其意則一也

然則

解曰此等語正

後主

廟祀孔子詔

至德三年十一月

詔曰。宣尼誕膺上哲。體資至聖。祖述憲章之典。竝天地而合德。樂正雅頌之興。與日月而偕明。垂後昆之訓範。開生民之耳目。梁季湮微。靈寢忘處。鞠爲茂草。三十餘年。敬仰如在。永惟愾息。今雅道雍熙。由庚得所。斷琴故履。零落不追。閱筭開書。無因循復。外可詳之禮典。改築舊廟。蕙房桂棟。咸使惟新。芳馨潔滌。以時饗奠。

(Faint vertical text columns visible through the paper)

徐陵

九錫詔策

禪授詔策皆陵所製

肇昔元胎剖判太素氤氲崇建人皇必憑洪宰故賢
哲之后牧伯征於四方神武之君太監治乎萬國又
有一匡九合渠門之賜以隆戮帶圍溫行宮之寵斯
茂時危所以貞固運泰所以光熙斯乃千載同風百
王不刊之道也太傅義興公允文允武廼聖廼神固
天生德康濟黔首昔在休期早隆朝寄遠踰滄海大
拯交越皇運不造書契未聞中國其亡兵凶總至哀

哀、瞧、類、譬、彼、窮、牢、悠、悠、上、天、莫、云、斯、極、否、終、則、泰、元、
輔、應、期、收、此、將、崩、援、茲、已、溺、乘、舟、履、輦、架、險、浮、溪、經、
畧、中、途、畢、殲、羣、醜、洎、乎、石、頭、姑、孰、流、髓、履、腸、一、朝、指、
撝、六、合、清、晏、是、用、光、昭、下、武、翼、亮、中、都、雪、三、后、之、勅、
讐、夷、三、靈、之、巨、慝、堯、台、禹、佐、未、始、能、階、殷、相、周、師、固、
非、云、擬、重、之、以、屯、剝、餘、象、荆、楚、大、崩、天、地、無、心、乘、輿、
委、御、五、胡、荐、食、競、謀、諸、夏、八、方、碁、勢、莫、有、匡、救、彊、臣、
放、命、黜、我、沖、人、顧、影、於、荼、孺、之、魂、甘、心、於、寧、卿、之、屨、
却、按、下、髻、求、哀、之、路、莫、從、竊、鉄、逃、責、容、身、之、地、無、所、

公神兵奄至，不日清澄，惟是孱蒙，再膺天錄。斯天巍巍蕩蕩，無德而稱焉。加以仗茲忠義，屠彼妖逆，震部夷氛，稽山罷祲，番禺蠡澤，北鄙西郊，殲厥凶徒，罄無遺種。斯則兆民之命，修短所縣，率土之基，興亡是賴。於是刑禮兼訓，訟革有章，中外咸平，遐邇寧一。用能使陽光合魄，曜象呈暉，棲閣遊庭，抱仁含信，宏勲該於厚地，大道格於玄天。羲農皇昊以來，卷領垂衣之世，聖人濟物，未有如斯者也。夫備物典策，栢文是膺，助理陰陽，蕭曹不讓，未有功高於寓縣而賞薄於伊。

周凡厥人祇固懷延佇寔由公謙。爲自牧降損爲懷。嘉數遲回永言增歎。豈可申茲雅尚。久廢朝猷。宜戒司勲。敬升鴻典。且重華大聖。矯汭惟賢。盛德之祀。無忘公侯之門。必復是以殷嘉。亶甫繼后稷之官。堯命羲和纂重黎之位。況其本枝攸建。宜誓山河者乎。其進公位相國。總百揆。封十郡爲陳公。備九錫之禮。加璽紱遠遊冠。綠綬綬。位在諸侯王上。其鎮衛大將軍。揚州牧如故。策曰。大哉乾元。資日月以貞觀。至哉坤元。憑山川以載物。故惟天爲大。陟配者欽明。惟王建

國翼輔者齊聖。是以文武之佐。礚礚蘊其玉璜。堯舜之臣。榮河縷其金版。況乎體得一之鴻姿。寧陽九之危厄。拯橫流於碣石。撲燎火於崑岑。驅馭於韋彭。跨蹠於齊晉。神功行而靡用。聖道運而無名者乎。今將授公典策。其敬聽朕命。日者昊天不弔。鉅亂於我國。家網漏吞舟。疆胡內勰。茫茫宇宙。慄慄黎元。方足圓顙。萬不遺一。太清否亢。橋山之痛。已深。大寶屯如。平陽之禍。相繼。上宰膺運。康救兆民。鞠旅於滇池之南。揚旌於桂嶺之北。懸三光於已墜。謐四海於羣飛。屠

楔竄於中原。斲鯨鯢於濛汜。蕩寧上國。光啓中興。此則公之大造於皇家者也。既而天未悔禍。夷醜荐臻。南夏崩騰。西京蕩覆。羣胡孔熾。藉亂乘間。推納藩枝。盜假神器。冢司昏撓。旁引寇讐。既見貶於桐宮。方謀危於漢閣。皇運已殆。何殊贅旒。中國搖然。非徒如綫。公赫然投袂。匡救本朝。復莒齊都。平戎王室。朕所以還膺寶歷。重履宸居。挹建武之風猷。誦宣王之雅頌。此又公之再造於皇家者也。公應務之初。登庸惟始。三川五嶺。莫不窺臨。銀洞珠宮。所在寧謐。孫盧肇蒙

越貊爲災。番部貼危。勢將淪殄。公赤旗所指。祇壘洞
開。白羽纔搗。兇徒粉潰。非其神武。久喪南藩。此又公
之功也。大同之末。邊政不修。李賁狂迷。竊我交愛。敢
稱大號。驕恣甚於尉陀。據有連州。雄豪熾於梁頌。公
英謨雄筭。電掃風行。馳御樓船。直跨滄海。新昌典澈。
備履艱難。蘇歷嘉寧。盡爲京觀。三山獠洞。八角蠻陬。
逖矣水寓之鄉。悠哉火山之國。馬援之所不屆。陶璜
之所未開。莫不懼我王靈。爭朝邊候。歸蹕天府。獻狀
鴻臚。此又公之功也。自寇虜陵江。宮闈幽辱。公枕戈

嘗膽提劒撫心。氣涌青霄。神飛紫闥。而番禺連率。本
自諸夷。言得其朋。是懷同惡。公仗此忠誠。乘機勦定。
執沛令而繫鼓。平新野而據鞍。此又公之功也。世道
初艱。方隅多難。勲門桀黠。作亂衡嶷。兵切池墮。衆兼
夷獠。公以國盜邊警。知無不爲。卹是同盟。誅其醜類。
莫不魚驚鳥散。面縛頭懸。南土黔黎。重保蘇息。此又
公之功也。長驅嶺嶠。夢想京畿。綠道曾豪。遞爲榛梗。
路養渠率。全據大都。蓄聚逋逃。方謀阻亂。百樓不戰。
雲梯之所未窺。萬弩齊張。高朝之所非敵。公龍驤虎

步嘯吒風雲。山靡堅城。野無彊陣。清祇氛於瀛石。滅
沴氣於雩都。此又公之功也。遷仕凶慝。屯據大皐。乞
活類馬騰之軍。流民多杜弼之衆。推鋒轉鬪。自北徂
南。頻歲稽誅。寔惟勅虜公坐。揮三畧。遙制六奇。義勇
同心。貔貅騁力。雷奔電擊。谷靜山空。列郡無犬吠之
驚。叢祠罷狐鳴之盜。此又公之功也。王師討虜。次屆
淪波。兵乏兼儲。士有飢色。公回麾螽澤。積穀巴丘。億
庾之詠斯豐。壺漿之迎是衆。軍民轉漕。曾無砥柱之
難。艫舳相望。如運敖倉之府。犀渠貝冑。顧蔑雷霆。高

艦層樓。仰捫霄漢。故使三軍勇銳。百戰無前。承此兵糧。遂殄克逆。此又公之功也。若夫英圖邁俗。義旅如雲。溢壘猜攜。用淹戎畧。公志唯同。獎師克在和。鵠塞并虞。鴻門是會。若晉侯之誓白水。如蕭王之推赤心。屈禮交盟。人祇感咽。故能使舟師並路。遠邇朋心。此又公之功也。姑孰襟要。嶠函阻憑。寇虜據其關。梁大盜負其肩。鏑公一校。裁爲三雄。並奮左賢。右角沙潰。上崩木甲。殪於中原。羶裘赴於江水。他他藉藉。萬計千羣。鄂坂之隘。斯開夷庚之道。無塞。此又公之功也。

義軍大衆俱集帝京。逾豎兜徒。猶屯皇邑。若夫表裏
山河。金湯嶮固。疏龍首以抗殿。擯華岳以爲城。雜虜
憑焉。疆兵自若。公回茲地軸。抗此天羅。曾不崇朝。倖
無遺噍。軍容甚穆。國政方脩。物重視於衣冠。民還瞻
於禮樂。楚人滿道。爭覩於葉公。漢老銜悲。俱歡於司
隸。此又公之功也。內難初靜。諸侯出關。外郡傳烽。鮮
卑犯塞。莫非且渠當戶。中貴名王。冀馬迴於淮南。胡
笳動於徐北。公舟師步甲。亘野橫江。殲厥羣毳。遂殫
封豨。莫不絀木而止。戎車靡遺。遇渾而旋歸。驂盡殪。

此又公之功也。公克黜禍難，勛勞皇室，而孫賓之黨，翻啓狄心。伊洛之間，咸爲虜戍。雖金陵佳氣，石壘天嚴，朝闇戎塵，夜喧胡鼓。公三籌旣畫，八陣斯張。裁舉靈鉦，亦抽金僕。咸俘醜類，悉反高墉。異李廣之皆誥，同龐元之盡赦。此又公之功也。任約叛渙，梟聲不悛。戎羯貪婪，狼心無改。穹廬旣幕，抵北闕而爲營。烏孫天馬，指東都而成陣。公左甄右落，箕張翼舒。掃是撓搶，驅其獫狁。長狄之種，埋於國門。椎髻之酋，烹於軍市。投秦坑而盡沸，噓渚水而不流。此又公之功也。一

相居中。自折彝鼎。五湖小守。妄懷同惡。公夙駕兼道。
秉羽杖戈。玉斧將揮。金鉏且戒。秋會震懾。遽請灰釘。
焚櫬以表其舍。弘焚書以安其反側。此又公之功也。
賊龕兇橫。陵虐具區。阻兵安忍。憑災怙亂。自古蟲言。
鳥跡。渾沌洪荒。凡或虔劉。未此殘酷。公雖宗居汝潁。
世寓東南。育聖誕賢之鄉。含章挺生之地。眷言桑梓。
公私憤切。卓爾英狀。丞規奉筭。戮此大憝。如烹小鮮。
此又公之功也。亂離永久。羣盜孔多。浙左兇渠。連兵。
構逆。豈止千兵五校。白雀黃龍而已哉。公以中軍無

率選是親賢。姦寇途窮。濯然冰泮。刑澹

唐又作

之所文。

命動其大威。雷門之間。句踐行其嚴戮。英規聖跡異。

代同風。此又公之功也。同姓有扈。頑克不賓。憑藉宗

盟。圖危社稷。觀兵匯澤。勢震京師。驅率南蠻。已爲東

帝。公論兵於廟堂之上。決勝於罇俎之間。寇賈樊滕。

浮江下瀕。一朝揃撲。無待旬師。萬里澄清。非勞新息。

此又公之功也。豫章祇寇。依憑山澤。繕甲完聚。名歷

歲時。結從連橫。爰泊交廣。呂嘉旣獲。吳淠已挺。命我

還師。征其不恪。連營盡拔。僞黨斯擒。曜神武於匡山。

回神旌於蠡派。此又公之功也。自八紘九野。瓜剖豆分。竊帝偷王。連州比縣。公武靈已暢文德。又宣折簡。馳書風猷。斯遠。至於蒼蒼浴日。杳杳無雷。北洎丈夫之鄉。南踰女子之國。莫不屈膝膜拜。求吏款關。此又公之功也。京師禍亂。亟積寒暄。雙闕低昂。九門寥豁。寧秦宮之可顧。豈魯殿之猶存。五都簪弁。百僚鄉士。胡服縵纓。咸爲戎俗。高冠厚履。希復華風。宋微子麥稭之歌。周大夫黍離之嘆。方之於斯。未足爲悲矣。公求衣昧旦。旻食高春。興構宮闈。具瞻遐邇。郊庠宗稷。

之典。六符十等之章。還聞太始之風流。重覩永平之遺事。此又公之功也。公有濟天下之勲。重之以明德。凝神體道。合德符天。用百姓以爲心。隨萬機而成務。恥一物非唐虞之民。歸含靈於仁壽之域。上德不德。無爲以爲。夏長春生。顯何藏用。忠信爲寶。風雨弗僣。仁惠爲基。牛羊勿踐。功成治定。樂奏咸雲。安上治民。禮兼文質。物色丘園。衣裾里巷。朝多君子。野無遺賢。菽粟同水火之饒。工商富猗頓之旅。是以天無蘊寶。地有呈祥。涵露卿雲。朝團曉映。山車澤馬。服馭登閑。

既景煥於圖書。方歲粦於史牒。高勲踰於象緯。積德冠於嵩華。固無德而稱者矣。朕又聞之前王宰世。茂賞尊賢。式樹蕃長。總征羣伯。二南崇絕。四履遐曠。決泱表海。祚土維齊。巖巖泰山。俾侯於魯。抑又勤王。反鄭夾輔。遷周召伯之命。斯隆河陽之禮。咸備。况復經營宇宙。寧唯斷鼉足之功。弘濟蒼生。非直鑿龍門之峻。而疇庸報德。寂爾無聞。朕所以垂拱當寧。載懷慙悼者也。今授公相國。以南豫州之陳留。南丹陽宣城。揚州之吳興。東陽新安。新寧。南徐州之義興。江州之

鄱陽臨川十郡封公爲陳公。錫茲青土。苴以白茅。爰
定爾邦。用建冢社。昔旦奭分陝。俱爲保師。晉鄭諸侯
咸作卿士。兼其內外。禮實攸宜。今命使持節兼太尉
王通。授相國印綬。陳公璽綬。使持節兼司空王瑒。授
陳公茅土。金虎符第一至第五。左竹使符第一至第
十。相國秩踰三鉉。任總百司。位絕朝班。禮由事革。其
以相國總百揆。除錄尚書之號。上所假節侍中。貂蟬
中書監印章。中外都督太傅印綬。義興公印策。其鎮
衛大將軍揚州牧如故。又加公九錫。其敬聽後命。以

公禮爲楨榦律等銜策四維皆舉八柄有章是用錫
公大輅戎輅各一玄牡二駟以公賤寶崇穀疏爵待
農室富京坻民知榮辱是用錫公衮冕之服赤舄副
馬以公調理陰陽燮諧風雅三靈允降萬國同和是
用錫公軒縣之樂八佾之舞以公宣導王猷弘闡風
教光景所照鞶象必通是用錫公朱戶以居以公抑
揚清濁褒德進賢髦士盈朝幽人虛谷是用錫公納
陛以登以公巍然廊廟爲世鎔範折衝四表臨御八
荒是用錫公虎賁之士三百人以公執茲明罰期在

刑措象恭無赦，干紀必誅。是用錫公斧鉞各一，以公
英猷遠量，跨厲嵩溟。包一車書，括囊寰宇。是用錫公
彤弓一，彤矢百，茲弓十，茲矢千。以公天經地義，貫徹
幽明。春露秋霜，允恭烝盛。是用錫公秬鬯一鹵，圭瓚
副焉。陳國置丞相，已下一遵舊式。往欽哉！其恭循朕
命，克相皇天，弘建邦家，允興洪業，以光我高祖之休
命。

九錫之文，著自王莽。陳崇筆也。其文古盛，事出不
祥。義無登逆，向置不錄。自魏而後，莫不效捧拾瀋。

皆出一時華士之手求似愈工去似愈遠陵之此
作美秀絕倫直可超越僞新俯視魏晉餘人何啻
置身在百尺樓上也

置良并百只對土也

并美委歸輪直下鼓鼓歸漢歸顯慶晉僧人阿皆
請山一報華士女手求妙愈工去以愈靈刻之此

徐陵

禪位璽書

君子者。自昭明德。達人者。先天弗違。故能進退咸亨。
動靜元吉。朕雖蒙寡。庶乎景行。何則。三才剖判。九有
區分。情性相乖。亂離云起。是以建彼司牧。推乎聖賢。
授受者。任其時來。皇王者。本非一族。人謀是與。屈已
從萬物之心。天意斯歸。鞠躬奉百靈之命。謳譟所在。
則攘袂以膚之膏。華已竭。乃褰裳而去之。昔在唐虞。
鑒於天道。舉其黎獻。授彼明哲。雖復質文殊軌。公華

不同歷代因循斯風靡替我大梁所以考庸太室接
禮貳宮月正元日受終文祖但運不常夷道無恒泰
山岳傾偃河海沸騰電目雷聲之禽鉤爪鋸牙之獸
咀齧含生不知紀極二后英聖相仍在天六夷貪狡
爭侵中國縣王都帝人懷千紀一民尺土皆非梁地
朕以不造幼罹閔凶仰憑衡佐亟移年序周成漢惠
邈矣無階惟是童蒙必貽顛壓若使時無聖哲世靡
艱難猶當高蹈於滄洲自求於泰伯者矣惟王應期
誕秀開錄握圖性道故其難聞嘉庸已其被物乾行

同其燾覆。日御比其貞明。登承聖於復禹之功。樹鞠
子於興周之業。滅陸渾於伊洛。殲驪戎於鎬京。大小
二震之驍徒。東南兩越之勅寇。遽行天討。無遺神策。
於是祖述堯舜。憲章文武。大樂與天地同和。大禮與
天地同節。鼓之以雷霆。潤之以風雨。仁霑葭葦。信及
豚魚。殷牖斯空。夏臺虛設。民惟大畜。野有同人。升平
頌平。無偏無黨。固以雲飛紫蓋。水躍黃龍。東伐西征。
瞻映川陸。榮光曖曖。已冒郊塵。甘露瀼瀼。亟流庭苑。
車轍馬跡。誰不率從。蟠水流沙。誰不懷德。祥圖遠至。

非唯赤伏之符。靈命昭然。何止黃星之氣。海口河目。賢聖之表。旣彰。握旄執鉞。君人之狀。斯偉。且自攝提無紀。孟陬殄滅。枉矢宵飛。天弧曉映。久矣夷羊之在牧。時哉蛟龍之出泉。革運之兆。咸徵。惟新之符。竝集。朕所以欽若勛華。屢回星琯。昔者木運斯盡。予高祖受焉。今歷去炎。精神歸樞紐。敬以火德傳于爾陳。遠鑒前王。近謀羣辟。明靈有悅。率土同心。今遣使持節兼太保侍中尚書左僕射平樂亭侯王通兼太尉司徒左長史王瑒奉皇帝璽綬受終之禮。一依唐虞故

事王其時陟元后寧育兆民光闡洪猷以承昊天之
休命

假故君之餘噓快新臣之壯意七代以來相承滋
久於陵無誅焉

八公刻無精器

刻始者之箱刻刻諸日之非意小引以來能承

刻

刻其刻刻云刻章育非具大開將繪以承吳天之

宗元饒

南郡人少好學以孝敬聞高宗卽位遷御史中丞

劾陳哀奏

時合州刺史陳哀遣使就渚歛魚又於六郡乞米百姓苦之元饒劾奏

臣聞建旟求瘼實寄廉平褰帷恤隱本資仁恕如或貪汙是肆徵賦無厭天網雖疎茲焉弗漏謹案鍾陵縣開國侯合州刺史臣哀因藉多幸預逢抽擢爵由恩被官以私加無德無功坐尸榮貴譙肥之地久淪非所皇威剋復物仰仁風新邦用輕彌俟寬惠應斯作牧其寄尤重爰降曲恩祖行宣室親承規誨事等言提雖廉潔之懷誠無素蓄而稟茲嚴訓可以厲精

遂乃擅行賦歛專肆貪取求粟不厭愧王沈之出賑
徵魚無限異羊續之懸枯寔以嚴科實惟明憲臣等
參議請依旨免哀所應復除官其應禁錮及後選左
降本資悉依免官之法

梁陳彈劾並出風藻有任彥昇爲之導也

沈文阿

字國衡吳興人父峻以儒學聞於梁世文阿少習父業精研章句治三禮三傳累遷國子

助敎五經博士

謁廟儀注議

高祖崩世祖卽位剋日謁廟詔遣博士議其禮文

民物推移質文殊軌聖賢因機而立敎王公隨時以適宜夫千人無君不散則亂萬乘無主不危則亡當隆周之日公旦叔父呂召爪牙成王在喪禍幾覆國是以旣葬便有公冠之儀始殯受麻冕之策斯蓋示天下以有主慮社稷之艱難逮乎末葉縱橫漢承其弊雖文景刑厝而七國連兵或踰月卽尊或崩日稱

詔此皆有爲而爲之、非無心於禮制也。今國諱之日、
雖抑哀於璽紱之重、猶未序於君臣之儀。古禮、朝廟、
退坐正寢、聽羣臣之政。今皇帝拜廟還、宜御太極殿、
以正南面之尊。此卽周康在朝、一二臣衛者也。其壤、
奠之節、周禮以玉作贊、公侯以珪、子男執璧。此瑞玉
也。奠贊旣竟、又復致享。天子以璧、王后用琮。秦燒經、
典、威儀散滅。叔孫通定禮、尤失前憲。奠贊不珪、致于
無帛。公王同璧、鴻臚奏賀。若此數事、未聞於古。後相
沿襲、至梁行之。夫稱觴奉壽、家國大慶。四廟雅樂、歌

秦懽欣。今君臣吞哀萬民抑割。豈同於惟新之禮乎。
且周康賓稱奉珪。無萬壽之獻。此則前準明矣。三宿
三咤。上宗曰饗。斯蓋祭饗受福。寧謂賀酒邪。愚以今
坐正殿。止行薦璧之儀。無賀酒之禮。謹檄謁廟還升
正寢。羣臣陪薦儀注如別。

御極以明。統止賀以盡慕。可謂通儒析衷情勢之
宜當者也。

坐五。卷五。在萬里之外。無資。既之。靈精。其。世。而。多。長。

三。到。土。宗。曰。嬰。博。蓋。祭。師。受。師。寧。時。質。所。海。是。以。今。

月。風。舉。寶。辭。奉。主。無。萬。壽。之。期。此。以。前。事。即。矣。三。字。

今。係。引。香。來。萬。外。味。隨。登。同。公。封。補。之。勤。子。

沈不害

字孝和吳興人幼孤而脩立好學天嘉初除衡陽王記室

請立國學書

自梁季喪亂至是國學未立不害上書

臣聞立人建國莫尚於尊儒成俗化民必崇於教學故東膠西序事隆乎三代環林璧水業盛於兩京自淳源既遠澆波已扇物之感人無窮人之逐欲無節是以設訓垂範啓導心靈譬彼染藍類諸琢玉然後人倫以睦卑高有序忠孝之理既明君臣之道攸固執禮自基魯公所以難侮歌樂已細鄭伯於是前亾千戚舞而有苗至泮宮成而淮夷服長想洙泗之風

載懷淹稷之盛。有國有家。莫不尚已。梁太清季年。數
鍾否剝。戎狄外侵。姦回內壘。朝聞鼓鼙。夕炤烽火。洪
儒碩學。解散甚於坑夷。五典九丘。湮滅逾乎帷蓋。成
均自斯墜業。瞽宗於是不修。哀成之祠。弗陳裸享。釋
菜之禮。無稱俎豆。頌聲寂寞。遂踰一紀。後生敦悅。不
見函丈之儀。晚學鑽仰。徒深倚席之歎。陛下繼曆升
統。握鏡臨寓。道洽寰中。威加無外。濁流已清。重氛載
廓。含生熙阜。品庶咸亨。宜其弘振禮樂。建立庠序。式
稽古典。紆迹儒宮。選公卿門子。皆入于學。助教博士。

朝夕講肄。使擔簦負笈。鏘鏘接袵。方領矩步。濟濟成
容。如切如磋。聞詩聞禮。一年可以功倍。三冬於是足
用。故能擢秀雄州。揚庭觀國。入仕登朝。資優學以自
輔。莅官從政。有經業以治身。轡駕列庭。青紫拾地。古
者王世子之貴。猶與國子齒。降及漢儲。茲禮不墜。暨
乎兩晉。斯事彌隆。所以見師嚴而道尊者也。皇太子
天縱生知。無待審喻。猶空晦迹。俯同專經。請業莫爵。
師肅若舊典。昔闕里之堂。草萊自闢。舊宅之內。絲
流音前聖遺烈。深以炯戒。況復江表無虞。海外有

得不開闡大猷。恢弘至道。寧可使玄教儒風。弗
一世盛德大業。遂蘊堯年。臣末學小生。詞無足算。
獻瞽言。伏增悚惕。

不害治經術善屬文。操筆立成。曾無尋簡。古今文
人其尋簡者。或多矣。

徐陵

字孝穆東海人寶誌上人手摩其頂曰天上石麒麟也博涉史籍縱橫有口辯太清二年兼通

直散常

侍使魏

致齊僕射楊遵彥書

陵使魏會齊受魏禪梁元帝承制於江陵復通使于

齊陵累求復命拘畱不遣乃致書

夫一言所感。凝暉照於魯陽。一志冥通。飛泉涌於疏

勒。況復元首康哉。股肱良哉。隣國相聞。風教相期者。

也。天道窮剝。鍾亂本朝。情計馳惶。公私哽懼。而骸骨

之請。徒淹歲寒。顛沛之祈。空盈卷軸。是所不圖也。非

所仰望也。執事不聞之乎。昔分鰲命鴈之世。觀河拜

洛之年。則有日鳥流災。風禽騁暴。天傾西北。地缺東南。盛旱圻三川。長波含五岳。我大梁應金圖而有亢。纂玉鏡而猶屯。何則。聖人不能爲時。斯固窮通之恒理也。至於荊州刺史湘東王。機神之本。無寄名言。陶鑄之餘。猶爲堯舜。雖復六代之舞。陳於總章。九州之歌。登於司樂。虞夔拊石。晉曠調鍾。未足頌此英聲。無以宣其盛德者也。若使郊禋楚翼。寧非祀夏之君。戡定艱難。便是匡周之霸。豈徒幽王徙雍。替月爲都。姚帝遷河。周年成邑。方命越裳。藐藐馴雉。北飛肅沓。茫

茫風牛南偃。吾君之子。含識知歸。而答旨云何所投身。斯其未喻一也。又晉熙等郡。皆入貴朝。去我尋陽。經塗何幾。至於鏘鏘曉漏。的的宵烽。隔潄浦而相聞。臨高臺而可望。泉流寶盃。遙憶湓城。峰號香鑪。依然廬嶽。日者鄱陽嗣王。治兵滙派。屯戍淪波。朝夕賤書。春秋方物。吾無從以躡屩。彼何路而齊鑣。豈其然乎。斯不然矣。又近者邵陵王。通和此國。郢中上客。雲聚魏都。鄴下名卿。風馳江浦。豈盧龍之徑。於彼新開。銅駝之街。於我長閉。何彼途甚易。非勞於五丁。我路爲

難如登於九折。地不私載。何其爽歟。而答旨云還路無從。斯所未喻二也。晉熙廬江義陽安陸皆云欸附。非復危邦。計彼中途。便當靜晏。自斯以北。桴鼓不鳴。自此以南。封疆未壹。如其境外。脫煩輕軀。幸非邊吏之羞。何在匹夫之命。又此賓遊。通無貨殖。忝非韓起聘。鄭私買玉環。吳札過徐。躬要寶劍。繇來宴錫。凡厥囊裝。行役淹留。皆已虛罄。散有限之微財。供無期之久客。斯可知矣。且據圖刎首。愚者不爲。運斧全身。庸流所鑒。何則。生輕一髮。自重千鈞。不以賈盜明矣。骨

肉不任充鼎俎。皮毛不足入貨財。盜有道焉。吾無憂矣。又公家遣使。脫有資湏。本朝非隆平之時。遊客豈皇華之勢。輕裝獨宿。非勞聚櫟之儀。微騎閒行。寧望輜軒之禮。歸人將從。私具驢騾。緣道亭郵。唯希蔬粟。若曰。畱之無煩於執事。遣之有費於官司。或以顛沛爲言。或云資裝可懼。固非通論。皆是外篇。斯所未喻三也。又若以吾徒應還侯景。侯景凶逆。殲我國家。天下含靈。人懷憤厲。旣不獲投身社稷。衛難乘輿四豕。磔蚩尤。千刀剗王莽。安所謂俛首頓膝。歸奉寇讎。佩

弭腰韃。爲其阜隸。日者通和。方敦曩睦。凶人狙詐。遂
駭狼心。頗疑宋萬之誅。彌懼荀瑩之請。所以奔蹄勁
角。專恣憑陵。凡我行人。偏膺讎憾。政復殖筋。醢骨抽
舌。探肝於彼。凶情猶當未雪。海內之所知也。君侯之
所具焉。又聞本朝公主。都人士女。風行雨散。東潘西
流。京邑丘墟。茲蓬蕭瑟。偃師還望。咸爲草萊。霸陵回
首。俱霑霜露。此又君之所知也。彼以何義。爭免寇讎。
我以何親。爭歸委質。昔鉅平貴將。懸重於陸公。叔向
名流。深知於驂篋。吾雖不敏。常慕前修。不圖明庶有

假。翻。其。以。此。量。物。昔。魏。氏。將。亾。羣。凶。挺。爭。諸。賢。戮。力。
想。得。其。朋。爲。葛。榮。之。黨。邪。爲。邦。杲。之。徒。邪。如。曰。不。然。
斯。所。未。喻。四。也。假。使。吾。徒。還。爲。凶。黨。侯。景。生。於。趙。代。
家。自。幽。恒。居。則。台。司。行。爲。連。率。山。川。形。勢。軍。國。燹。章。
不。勞。請。箸。爲。籌。便。當。屈。指。能。算。景。以。逋。逃。小。醜。羊。豕。
同。羣。身。寓。江。臯。家。畱。河。朔。春。春。井。井。如。鬼。如。神。其。不。
然。乎。抑。又。君。之。所。知。也。且。夫。宮。闈。秘。事。並。若。雲。霄。英。
俊。許。謨。寧。非。帷。幄。或。陽。驚。以。定。策。或。焚。藁。而。奏。書。朝。
廷。之。士。猶。難。參。預。羈。旅。之。人。何。階。耳。目。至。於。禮。樂。公。

革刑政寬猛。則謳歌已遠。萬舞成風。不知手之舞之。
足之蹈之也。安在搖其牙齒。爲間諜者哉。若謂復命。
西朝。終奔東虜。雖齊梁有隔。尉侯奚殊。豈以河曲之。
難浮。而曰江關之可濟。河橋馬度。寧非宋典之姦。關。
路。鷄鳴。皆曰田文之客。何其通蔽。乃爾相妨。斯所未。
喻。五也。又兵交使在。雖著前經。儻同狗僕之尤。追肆。
寒山之怒。則凡諸元帥。並釋縲囚。爰及偏裨。同無剪。
馘。乃至鍾儀。見赦。朋笑遵途。襄老蒙歸。虞歌引路。吾。
等張旆。拭玉修好。尋盟涉泗之與。浮河郊勞。至于贈。

期公恩既被賓敬無違。今者何慙。翻蒙貶責。若以此
爲言。斯所未喻。六也。若曰。祇氛永久。喪亂悠然。哀我
奔波。存其形魄。固已銘茲厚德。戴此洪恩。譬渤澥而
俱深。方嵩華而猶重。但山梁飲啄。非有意於籠樊。江
海飛浮。本無情於鍾鼓。況吾等營竟已謝。餘息空留。
悲默爲生。何能支久。是則雖蒙養護。更天天年。若以
此爲言。斯所未喻。七也。若云。逆豎熾夷。當聽反命。高
軒繼路。飛蓋相隨。未解其言。何能善諾。夫屯亨治亂。
豈有意於前期。謝常侍今年五十有一。吾今年四十。

有四介已知命。實又杖鄉計。彼侯生肩隨而已。金銀
臺之要。彼未從師。金龜之方。吾知其決。政恐南陽菊
水。竟不延齡。東海桑田。無繇可望。若以此爲言。斯所
未喻。八也。足下清襟勝託。書圖文林。凡自洪荒。終乎
幽厲。如吾今日。寧有其人。爰至春秋。微宜商畧。夫宗
姬殄墜。霸道昏鹵。或執政之多門。或陪臣之涼德。故
臧孫有禮。翻囚與國之賓。周伯無低。空怒天王之使。
遷箕卿於兩館。繫驥子於三年。斯匪貪亂之風邪。寧
昔今之高例也。至於雙嶠且帝。四海爭雄。或構趙而

侵燕。或連韓而謀魏。身求盟於楚殿。躬奪璧於秦庭。
輸寶鼎以託齊王。馳安車而誘梁客。其外膏唇販舌。
分路揚鑣。無罪無辜。如兄如弟。逮乎中陽受命。天下
同規。巡省諸華。無聞幽辱。及三方之霸也。孫甘言以
嫉媚。曹屈詐以羈縻。矜軫歲。到於句吳。冠蓋年馳於
庸蜀。則客嘲殊險。賓戲已深。共盡遊談。誰云猜忤。若
使搜求故實。脫有前蹤。恐是叔世之姦謀。而非爲邪
之勝畧也。抑又聞之。雲師火帝。澆淳乃異其風。龍躍
麟驚。王霸雖殊其道。莫不崇君親以銘物。敦敬養以

治民。預有邦司。曾無隆替。吾奉違溫清。仍屬亂離。寇
虜猖狂。公私播越。蕭軒靡御。王舫誰持。瞻望鄉關。何
心天地。自非生憑竹。源出空桑。行路含情。猶其相慰。
常謂擇官而仕。非曰孝家。擇事而趨。非云忠國。況乎
欽承有道。驟駕前王。郎吏明經。鴟鳶知禮。巡省方化。
咸問高年。東序西膠。皆尊耆耄。吾以圭璋玉帛。通聘
來朝。屬世道之屯期。鍾生民之否運。兼年累載。無申
元直之所。銜泣吞聲。長對公閭之怒。情禮之訴。將同
逆鱗。忠孝之言。皆應辭舌。是所不圖也。非所仰望也。

且天倫之夢。何得忘懷。妻子之情。誰能無累。夫以清
河公主之貴。餘姚書佐之家。莫限高卑。皆被驅畧。自
東南醜虜。抄販饑民。臺署郎官。俱餒墻壁。況吾生離
戚別。多歷暄寒。孀室嬰兒。何可言念。如得身還鄉土。
躬自推求。猶冀提攜。俱免凶虐。夫四聰不達。華陽君
所謂亂臣。百姓無冤。孫叔敖稱爲良相。足下高才重
譽。參贊經綸。非豹非貍。聞詩聞禮。而中朝大議。曾未
矜論。清禁嘉謀。安能相及。諤諤非周舍。容容類胡廣。
何其無諍臣哉。歲月如流。平生何幾。晨看旅鴈。心起

江淮。昏望牽牛。情馳揚越。朝于悲而掩泣。夜萬緒而
回腸。不自知其爲生。不自知其爲死也。足下素挺詞
鋒。兼長理窟。匡丞相解頤之說。樂令君清耳之談。向
所諮疑。誰能曉喻。若鄙言爲戮。來旨必通。分請灰釘。
其從斧鑊。何但規規默默。齧舌低頭而已哉。若一理
存焉。猶希矜眷。何必期令我等必死。齊都足趙魏之
黃塵。加幽并之片骨。遂使東平拱樹。長懷向漢之悲。
西洛孤墳。恒表思鄉之夢。千祈以屢。哽慟增深。

此謂錦中繡外。玉質金章。觀其役使往實。一事不

涉支持運掉毫端一言不動氣色六代文人爭妍
鬪豔如此奇麗未之多見

僧

國論不日知代
 等事長即宿世心
 南諸城年能避喻
 其能各體似但規
 存焉何最終存何
 而亦加訓身之若
 四圖體吹北奇甄
 未之參見所以
 越支并甄事融一
 言不憚席會六升
 文人年飛

江總

字總持。濟陽人。五世祖湛。祖倩。父紇。居憂以毀。卒。總七歲而孤。家傳賜書數千卷。晝夜尋讀。未

嘗輟

手

修心賦序

侯景寇京都。臺城陷。總避難崎嶇。累年至會稽龍華寺。乃製修心賦。

太清四年秋七月。避地于會稽龍華寺。此伽藍者。余

六世祖宋尚書右僕射州陵侯元嘉二十四年之所

構也。侯之王父晉護軍將軍彪。昔蒞此邦。卜居山陰。

都陽里。貽厥子孫。有終焉之志。寺域則宅之舊基。左

江右。湖面山背。壑東西連跨。南北紆縈。聊與苦節名

僧同銷。日用曉修。經戒夕覽。圖書寢處。風雲憑棲。水

月不意華戎莫辨朝市傾淪。以此傷情。情可知矣。啜泣濡翰。豈攄鬱結。庶後生君子。憫余此槩焉。

語卽未多意獨淒至

何之元

廬江人幼好學有才思
太建八年除諮議參軍

梁典序

之元屏絕人事銳精著述起齊永元元年迄於王琳遇獲七十五年行事草創

為三十卷
號曰梁典

記事之史其流不一編年之作無若春秋則魯史之書非帝皇之籍也案三皇之簡為三墳五帝之策為五典此典義所由生也至乃尚書述唐帝為堯典虞帝為舜典斯又經文明據是以典之為義久矣哉若夫馬史班漢述帝稱紀自茲厥後因相祖習及陳壽所撰名之曰志總其三國分路揚鑣唯何法盛晉書

變帝紀爲帝典。旣云師古在理爲優。故今之所作。稱
爲梁典。梁有天下。自中大同以前。區寓寧晏。太清以
後。寇盜交侵。首尾而言。未爲盡美。故開此一書。分爲
六意。以高祖創基。因乎齊末。尋宗討本。起自永元。今
以前如千卷。爲追述。高祖生自布衣。長於弊俗。知風
教之臧否。識民黎之情僞。爰逮君臨。弘斯政術。四紀
之內。貫云殷阜。今以如千卷爲太平。世不常夷。時無
恒治。非自我後。仍屬橫流。今以如千卷爲敘亂。洎高
祖晏駕之年。太宗幽辱之歲。謳歌獄訟。向西陝。不向

東都。不庭之民。流逸之士。征伐禮樂。歸世祖。不歸太宗。撥亂反正。厥庸斯在。治定功成。其勲有屬。今以如千卷爲世祖。至於四海困窮。五德升替。則敬皇紹立。仍以禪陳。今以如千卷爲敬帝。驃騎王琳。崇立後嗣。雖不達天命。然是其忠節。今以如千卷爲後嗣主。至在太宗。雖加美謚。而大寶之號。世所不遵。蓋以拘於賊景故也。承聖紀歷。自接太清。神筆詔書。非宜輒改。詳之後議。蓋有理焉。夫事有始終。人有業行。本末之間。頗宜詮敘。案臧榮緒稱史無裁斷。猶起居注耳。錄

此而言實資詳悉。又編年而舉其歲次者。蓋取分明而易尋也。若夫獫狁孔熾。鯁我中原始自一君。終爲二主。事有相涉。言成混漫。今以未分之前爲北魏。旣分之後。高氏所輔爲東魏。宇文所挾爲西魏。所以相分別也。重以蓋彰殊體。繁省異文。其間損益頗有見。嚴整明潔。凡爲序體不當如是耶。

陳書論

武帝紀論

高祖英畧大度，應變無方。蓋漢高、魏武之亞矣。及西
都盪覆，誠貫天人。王僧辯闕伊尹之木，空結桐宮之
憤。貞陽假秦兵之送，不思穆羸之泣。高祖乃蹈玄機
而撫末運，乘勢隙而拯橫流。王迹所基，始自於此。何
止戡黎，升陞之捷而已焉。故於慎徽時序之世變，聲
改物之辰兆，庶歸以謳謠，炎靈去如釋負。方之前代，
何其美乎。

王僧辯豈戴湘東盡節梁室初拒貞陽敗國戰敗
天奪之竿乎不然陳高祖何以得亡梁也

後主紀論

後主紀論

史臣侍中鄭國公魏徵曰。高祖拔起瓏畝。有雄桀之姿。始佐下藩。奮英奇之畧。弭節南海。職思靜亂。援旗北邁。義在勤王。掃侯景於旣成。拯梁室於已墜。天網絕而復續。國步屯而更康。百神有主。不失舊物。魏王之延漢鼎祚。宋武之反晉乘輿。懋績鴻勳。無以尚也。于時內難未弭。外隣勍敵。王琳作梗於上流。周齊搖蕩於江漢。畏首畏尾。若存若亡。此之不圖。遽移天歷。

雖皇靈有睠，何其速也。然志度弘遠，懷抱豁如，或取士於仇讐，或擢才於亡命，掩其受金之過，宥其吠堯之罪，委以心腹爪牙，咸能得其死力。故乃決機百勝，成此三分；方諸鼎峙之雄，足以無慙權備矣。世祖天姿啟哲，清明在躬，早預經綸，知民疾苦，思擇令典，庶幾至治。德刑並用，戡濟艱虞，羣兇授首，疆隣震懾。雖忠厚之化，未能及遠，恭儉之風，足以垂訓。若不尚明察，則守文之良主也。臨川年長於成王，過微於太甲。宣帝有周公之親，無伊尹之志，明辟不從，相宮遂在。

欲加之罪其無辭乎高宗爰自在田雅量宏廓登庸
御極民歸其厚惠以使下寬以容衆智勇爭奮師出
有名揚旆分麾風行電掃闢土千里奄有淮泗戰勝
攻取之勢近古未之有也旣而君侈民勞將驕卒惰
帑藏空竭折衄師徒於是秦人方疆遂窺兵於江上
矣李克以爲吳之先亾由乎數戰數勝數戰則民疲
數勝則主驕主御疲民未有不亾者也信哉言
乎高宗始以寬大得人終以驕侈致敗文武之業墜
于茲矣後主生深宮之中長婦人之手旣屬邦國殄

瘁不知稼穡艱難初懼貼危屢有哀矜之詔後稍安
集復扇淫侈之風賓禮諸公唯寄情於文酒昵近羣
小皆委之以衡軸謀謨所及遂無骨鯁之臣權要所
在莫匪侵漁之吏政刑日紊尸素盈朝耽荒爲長夜
之飲嬖寵同豔妻之孽危亡弗恤上下相蒙衆叛親
離臨機不寤自投於井冀以苟生視其以此求全抑
亦民斯下矣遐觀列辟纂武嗣興其始也皆欲齊明
日月合德天地高視五帝俯協三王然而靡不有初
克終蓋寡其故何哉竝以中庸之才懷可移之性

存於仁義。心怵於嗜慾。仁義利物。而道遠。嗜欲遂性。而便身。便身不可久違。道遠難以固志。佞諂之倫。承顏候色。因其所好。以悅導之。若下坂以走丸。譬順流而決壅。非夫感靈辰象。降生明德。孰能遺其所樂。而以百姓爲心哉。此所以成康文景。千載而罕遇。癸辛幽厲。靡代而不有。毒被宗社。身嬰戮辱。爲天下笑。可不痛乎。古人有言。亡國之主。多有才藝。考之梁陳。及隋。信非虛論。然則不崇教義之本。偏尚淫麗之文。徒長澆僞之風。無救亂亡之禍矣。

